

Minister Michelle Winklaar a bay felicit'e personalmente na su yegada  
ALINA MANSUR ELIGI COMO E PROME "INTERNATIONAL CARNIVAL QUEEN OF THE CARIBBEAN"



Apoya pa un grupo di fanatico di Aruba cu a biaha pa Corsow specialmente pa apoya nan candidata, Alina Mansur a logra bay cu e corona di International Carnival Queen, y alabez a wordo otorga e premio pa Best Carnival Costume. Ayera nochi Alina Mansur a yega Aruba riba un buelo di DAE. Minister Michelle Winklaar a saluda e beyeza Arubiano na su yegada ayeratardi for di Corsou. AWE Mainta ta felicita Alina Mansur cu e logro aki y ta desea nos Reina saliente y henter pueblo di Aruba un feliz Carnaval 2010.



Dialuna 11 di Januari 2010 | Margrietstraat 3 | Tel: 583-1400 | Fax: 583-1444 | [noticia@awemainta.com](mailto:noticia@awemainta.com)

[awemainta.com](http://awemainta.com)

E Siman aki  
TRABOUNAN DI RESTORACION DI CENTRO  
DI ORANJESTAD Y BECINDARIO TA CUMINSA

pagina 4



MINISTER MICHELLE  
WINKLAAR A BISHITA  
NOS GRANDINAN

Sin a duna mucho  
publicidad n'e caso  
**Polis ta  
investigando un  
caso di violacion**

**INFORMACION** cu a yega na nos mesa di redaccion ta indica cu actualmente polis ta investigando un caso di violacion cu a tuma lugar den e ultimo fin di siman aki. Esaki lo a tuma lugar den dia cla, banda di un scol na Tanki Leendert. Casonan asina ta dificil pa haya sa for di polis kico a pasa, unda polis hopi biaha ta opta pa defende identidad di e victima, loke ta comprendibel. Pero si nos ta kere cu mester muestra cara di a abusador, pa tur hende sa kende e ta. Maske mucho informacion no tin ainda, nos ta cumpli na informa loke cu a pasa.

Minister Michelle Winklaar presente  
na parada di flambeau

Otmar Oduber tambe tabata presente



**MEMEY** di un publico grandi, tanto para banda di caminda como tambe den e parada, a tuma lugar e prome evento di carnaval 2010, esta e parada di flambeau. Especialmente hubentud a duna oido na e yamada di gruponan pa participa den e "fakkeloptocht" cu un tempo tabata un "jump up" y cu awendia a para bira un parada riba su mes. Na inicio di e parada, Minister di Cultura, Michelle Winklaar a papia cu polis y cu dirigentenan di e evento pa sigura cu tur preparacion ta haci pa e evento cana sin obstaculo. Tambe a Minister encarga cu Asuntonan Economico,

Asuntonan Social y di Cultura a dedica un momento special na su amigonan di Special Olympics cu manera tur aña tambe ta participa den Fakkel Optocht. Na final pueblo por mira atras na un evento bon organisa, bon atendi pa publico banda di caminda y cu un cantidad record di participante den e parada mes. Minister Michelle Winklaar, siendo un persona cu gusta e celebracion di carnaval a sigura cu Gobierno lo haci tur lo posibel pa e celebracion di carnaval 56 resulta den un otro exito. Un pabien grandi na tur esnan cu a duna nan cooperacion na e prome evento carnavalesco.





# Carlito Henricus a perde su bida na laman, unda e ta gusta bay pisca casi tur dia

**DOS** persona a bay sambuya diasabra den oranan di mainta na Mangel Halto y pa 11.10 un di nan a perde for di busta y ta kere cu e lo a hoga. Polis a bay n'e sitio y eynan nan ta papia cu un di e sambuyadonan, kende ta bisa cu el a bay sambuya cu un amigo y despues no a mire mas. El a bin tera pa informa esey.

Informacion cu nos a haya n'e sitio diasabra mainta ta bisa, cu e dos personanan aki a bay tira tarai. E victima a resulta yama Mario Carlito Henricus, naci dia 30 di april 1952 y tabata Spaarn Lagoen 89.

Nos tabatey diasabra mainta a compila e siguiente di cu un hende lo a hoga na Mangel Halto. Na Mangel Halto nos por a compronde cu 2 piscado a bay

tira tarai y ningun momento a ser menciona cu nan a bay sambuya.

E lama berdad tabata mas bruto cu otro dianan, un di e piscador nan ey a perde su amigo for di bista y no a mire mas. A pidi e ora ey tambe ayudo di e Cuerpo di Rescate di Bombero pa bin n'e sitio y cuminsa rondia cu e helicopter como tambe Maritieme Politie y Kustwacht tambe a duna un man.

Pa mas o menos 12:34, tabata e helicopter cu a mira e curpa sin bida di Carlito M. Henricus, di 57 aña.

Esnan den e helicopter a bin mira e curpa na un distancia basta leu for di unda nan tabata busca, y esaki ta debi cu e coriente den laman tabata fuerte

cu a hiba e curpa sin bida t'e pariba di De Palm Island. Esnan n'e sitio no por a imagina nan mes cu coriente tabata asina fuerte, pasobra nan mes no por a kere cu a haya e difunto na un distancia asina leu. Unabes a pone e curpa di Carlito Henricus den e boto, a hib'e na waf di Barcadera unda cu dr. Lin a bay constata morto pa 13.45 pa despues di esey Ad Patres hiba e curpa pa funeraria.

Carlito Henricus ta un persona cu ta gusta laman y pesey mes, hopi di esnan presente no por a kere cu e por a hoga. Ta algo a pas'e den awa, cu a cost'e su bida. Carlito Henricus tabata traha na DOW. Condolencia ta bay na su famia, kendenan tabata n'e sitio pa mira recuperacion di nan ser queri. Cu Carlito sosega na paz.





# Colombiano cu a importa 9 kilo di cocaina y 22 kilo di marihuana condena na 3 aña di prison

**EDIBERTO** Cantillo Tejada di Colombia mester a duna cuenta p’e cargamento di droga cu el a trece dia 18 di september 2009. T’asina cu na Barcedera den un cuarto bon scondi, abordo di e boto Roxana a bin haya 50 paki di droga scondi. En total tabatin 9 kilo di cocaina y 22 kilo di marihuana. Ediberto Cantillo Tejada a bisa Huez cu riba menaza di para-

militar, e mester a trece e droga p’asina paga e debe di hipoteca cu e tin. El a wordo ofreci 750 dolar pa cada kilo cocaina y 400 dolar pa kilo di marihuana.

Fiscal a haya Ediberto Cantillo Tejada culpable y a exige 3 aña di prison y pa destrui e lote di cocaine y marihuana. El a pidi tambe pa e boto Roxana keda confisca.

Abogado mr. Gibson a bisa cu Ediberto Cantillo Tejada ta admiti di a importa e droga y cu e boto Roxana ta di un otro hende. Ediberto Cantillo Tejada a bay purba di sali for di un problema y awor tin mucho mas problema.

Nan a kita su cas for di dje y su yiunan ta traha na cas di famia pa por haya placa. E posibilidad ta grandi cu lo bay tuma repre-

saya contra Ediberto Cantillo Tejada. El a pidi pa laga e boto bay bek p’e doño caminda lo por impone un multa.

Huez a dicta sentencia di biaha. E ta haya legalmente proba cu Ediberto Cantillo Tejada a importa un lote di droga. Huez a remarca cu ta trata di hopi droga. Huez a bay di acuerdo cu e castigo di 3 aña di prison,

pero no a laga e boto Roxana confisca.

Huez ta haya cu no tin prueba cu ta muestra cu e doño di e boto lo tabata sa di e traficacion aki. Esey ta nifica cu e boto Roxana lo wordo debilbe n’e doño, kende lo mester bin Aruba y cu documentonan legal pa demostra cu e boto ta di dje.

# Pelea formal na un night club den Playa, unda homber su yiu y un muher a keda deteni

**POLIS** di Oranjestad, despues di 3’or di madrugada a bay n’e nightclub Angies cu ta keda den Adriaan Lacle Blvd., pa un asistencia y bringamento formal. N’e sitio, polis a topa cu e mesun 3 persona cu un rato prome, polis a saca nan for di e club. Ora cu polis a yega, nan ta mira e homber J.M. naci na Aruba di 37 aña ta cana bay cu un martiu den su man y nan a mire bente abou. Den e nightclub, polis ta haya informacion for di testigonan cu e homber J.M hunto cu su amiga I.A. di 31 aña naci na Cuba y

e yiu homber di J.M a maltrata 3 hende den e lugar. Polis a bay detene J.M., kende a resisti su detencion pisa y alabez a wordo yuda pa su amiga Cubana I.A. y e yiu homber di M.

Polis a yama pidi refuerso cu a bini y a yuda pa detene. Mester a kibra su resistencia cu klop. I.A. tambe a haya algun klop p’e por a comporta su mes. Un di e victimanan, e homber J.V. a bisa polis cu el a wordo maltrata p’e homber J.M. y su yiu homber. Segun su declaracion, J.M. a dal’e cu un martiu riba su cabs na unda el a haya un kap

formal.

E guardia C.F.L.W. a haya kap na su frenta, dor cu e muher I.A. a dal’e cu boter. Un otro muher A.M.G.S., kende tabata den e club a bisa polis cu e 2 hendenan aki a dal’e cu boter y e tambe tabatin un kap na su cabs.

Polis a detene J.M.como cu su yiu y su amiga. Tur 3 a bay warda y a keda sera pa buracheria y despues lo sigui cu e kehonan di esnan cu a wordo maltrata. Ambulance a bin n’e sitio y a transporta e tres victimanan pa poli pa tratamiento.



E siman aki

# Trabounan di restoracion di Centro di Oranjestad y becindario ta cuminsa

Gobierno cumpliendo cu su Plan di Gobernacion



E plannan ambicioso di gobierno pa revitalisa Centro di Oranjestad manera ta poni den su Plan di Gobernacion lo wordo deleva cu masha orguyo e siman aki. Diaranson awor, riba Plaza Daniel Leo, e publico grandi lo sera conoci cu e proyecto maravioso aki. Arquitectonan, diseñadornan, ingenierionan, strategiconan hunto cu e diferente minister nan a traha incansablemente durante e dos lunanan cu a pasa pa por presenta e proyecto extenso y fantastico aki cu ta parti di e plan di gobernacion. Henter e restoracion y revitalisacion aki cu ta hayando e maximo atencion di Gobierno y cu ta wordo completamente cubri dor di y maneha pa gobierno ta encera diferente proyectonan cu lo cambia henter e panorama di nos centro di ciudad y convertie den un lugar atractivo. Diaranson dia 13 di januari, lo duna inicio na e poyecto aki den un forma festivo. E inauguracion di e Evento di Restoracion di nos centro di ciudad yama "Urban and Neighbourhood Renewal" lo tuma lugar riba Plaza Daniel Leo for di 6'or di atardi na unda pueblo di Aruba por ta presente pa scucha y mira e plannan di

gobierno pa mehora diferente parti di Oranjestad cu pa añanan largo a wordo negligisha.

E proyecto aki ta encera entre otro restoracion y embeyicimento di Caya Grandi y becindario, e centro historico di Aruba ta bai wordo conserva y lo bin cu e "Binnenhofproject" na unda oficina di gobernacion ta, Corte di Husticia lo wordo completamente renoba y tambe lo desaroya Parke Alameda, lo restora Watertoren, lo muda containerhaven, cas di Gobernador cu a para bira un ruina tambe lo haya su restoracion, lo cuminsa cu construccion di ringweg number 2 (Santa Helena) ringweg 3 mescos cu e vierbaansweg, e markthal len y botonan di fruta lo haya nan debido atencion y Lagoen tambe lo wordo drecha, John F. Kennedy School lo wordo poni bek den su estado anterior mescos tambe diferente otro scol cu ta den mal estado y edificionan di gobierno cu ta den situacionnan deplorabel lo wordo restora, lo construi un fietspad mescos tambe un parke pa skateboarding, lo pone lus den diferente bario, Wilhelmijnstraat tambe lo wordo

mehora y lo bin cu facilidatnan di recreacion den diferente barionan na Aruba henter. Prome Minister Mike Eman den su discurso di fin di Aña a anuncia caba cu San Nicolas sigur tambe lo haya su debido atencion pa loke ta renobacion di e diferente edificionan eynan. Lo inicia cu restoracion di Watertoren cu actualmente ta den un estado deplorabel, mescos tambe Joe Laveist Sportpark, Hulp-Bestuurskantoor y e diferente otro servicionan cu gobierno ta ofrece lo wordo poni bek den funcion. E plannan cu tin pa revitalisa Centro di Oranjestad cu pronto lo wordo ehecuta y e proyectonan di San Nicolas lo wordo amplia den e dianan nos dilanti. Gobierno su meta ta pa tanto Caya Grandi como San Nicolas haya e atencion necesario. E atencion cu pa añanan largo a wordo negligisha.

Den su discurso di fin di Aña Prome Minister di Aruba mr. Mike Eman a papia tambe en cuanto e proyectonan cu a wordo ehecuta caba y tur otro cu tin na caminda. Mike Eman "Nos a cuminsa den nos barionan. Na inicio di aña e trabonan aki di limpiesa lo sigui cu

mas intensidad. Nos a cuminsa den nos centro di ciudad, trece seguridad y tranquilidad bek. Shelter a worde sera. Adictonan sin cas ta worde duna oportunidad di tratamiento den exterior. Den e aña nobo lo cuminsa cu un serie di trabonan grandi pa revitalisa nos centronan di ciudad y barionan. For di e area di Bestuurskantoor, Caya Grandi te cu Corte di Husticia, trabonan grandi di renobacion y restoracion lo tuma lugar. Na San Nicolas for di Watertoren, Joe Laveist Ball Park te cu Hulp-bestuurskantoor, un desaroyo nobo y prometedor lo worde crea pa pariba di brug.

Barionan di casnan di pueblo di Noord, Jaburibari, Seroe Patri-shi, Dakota, Sabana Basora, Pos Chikito, Cura Cabai-Zeewijk, Village, Esso Heights, Juwana Morto te De Vuyst lo forma parti di un plan integral di gobierno di "stedelijke en wijken vernieuwing". E prioridatnan aki ta prioridatnan logico, husto, cu ta habri caminda pa un speranza nobo, un avenida pa alivio, optimismo y progreso". Palabranan alentador y cu a duna muestra di no ta palabranan bashi, pero cu di biaha a

wordo tranforma den proyecto y plannan formidabel

Durante e inauguracion y desvelo di e proyecto extenso y magnifico aki diaranson awor riba Plaza Daniel Leo den un forma simbolico lo planta un mata cu dentro di poco lo crece y florece mescos cu lo pasa cu centro di Oranjestad y becindario cu pa hopi tempo ta parce di no tabatin bida. E mata ta simbolisa tambe atencion pa nos medio ambiente, aire puro y speranza pa un miho mayan. Revitalisacion di centro di Oranjestad ta e prome fase di e proyecto inmenso aki riba cua a wordo traha cu masha entusiasmo pa simannan largo cu involucramento di diferente ministerio.

Despues ta continua cu e siguiente fasenan pa mehora y embeyece centro di ciudad y di e plannan ya menciona. Mescos tambe restoracion di edificionan na San Nicolas lo wordo inicia. Esnan interesa por haya diaranson un miho bista di loke ta bai tuma tuma den e dianan nos dilanti.. Gobierno ta cumpliendo cu su Plan di Gobernacion.





Den caso hudicial di Logos Hope vs Gobierno

# A conclui cu leynan di Aruba mester wordo respeta

**CORTE** a confirma e posicion di Gobierno, esta cu si nunca a haci un peticion pa un permiso di establecimiento comercial na Aruba, cu e barco Logos Hope no por haci negoshi sin mas ya cu e no ta den posicion di un permiso valido conforme cu nos "Vestigingsverordering". E acuerdo cu a keda acepta den Corte ta un proposicion cu Minister Michelle Winklaar a presenta n'e grupo aki desde november di aña pasa caba.

Diabierne atardi a tuma lugar e caso sumario den Corte di LAR cu "Stichting Peniel Baptist Church Foundation" den nomber di Logos Hope Aps a entama contra Gobierno di Aruba. Den esaki e grupo a pidi Huez pa suspende e decision di Minister Michelle Winklaar relaciona cu e prohibicion p'e barco Logos Hope por bende productonan na Aruba. E peticion den Corte ta pa suspende e decision, mientras cu e caso

di LAR probablemente lo sigui, hasta despues cu e barco abandona nos isla. Abogado mr. Hendrik Croes a defende e fundacion religioso, mientras cu abogado mr. Ben-vinda de Sousa y mr. Allan Kuster a defende Gobierno. E caso a tuma lugar diabierna atardi 4or den sala di Corte. Durante tratamento di e caso den Corte di LAR, a bin padilanti cu e barco tin hopi gasto di operacion cu ta surpasa 100



mil florin y cu nan mester di un forma pa cubri e gastonan aki. Ta pesey ta importante pa nan bende bukinan pa por conta cu entrada. Nan ta conta cu nan lo mester saca por lo menos 20 mil florin na benta di buki. Den nan demanda, nan a splica Huez cu desde aña 1987 Gobierno di e tempo ey no tabatin obhecion pa nan por a bende buki sin problema. Nan ta sinti cu den cuadro di e derecho universal di expresa un religion mester prevalece, derecho di expresion y e derecho universal pa benta liber di buki. Gobierno di otro banda a enfatisa durante tratamento di e caso cu na ningun momento a stroba ningun hende pa expresa nan mes, ni tampoco a stroba nan di expresa nan religion ni ta stroba bendemento di buki. Ademas a enfatisa cu no ta trata aki unicamente di bukinan religioso sino bukinan di tur indole, incluyendo bukinan di cushina, politica, deporte, pues tur otro buki cu ta obtenibel na Aruba tambe. Minister Michelle Winklaar a haci uso di 3 conseho cu el a ricibi di Departamento pa Asunto Economico, Departamento di Asunto Huridico y UNESCO. Tur tres ta duna Gobierno un conseho negativo pa permiti e barco bende buki sin mas. Gobierno desde un prome instante a conseha esnan responsabel p'e barco aki pa nan haci uso di cualkier libreria local pa actua como nan representante

comercial riba nos isla, cu tin e permisonan necesario, pero e barco a bisa despues cu nan no a logra. Pa Gobierno ta importante pa salvaguardia interes di comercio local y di e librerianan di Aruba. E mandatario a splica e grupo cu ta trece e barco cu no por t'asina cu ta habri porta pa un barco bin bende producto sin cumpli cu nos leynan vigente. Na final, Huez a haci e pregunta cu si usa un persona natural pa representa nan, cu si esey lo por ta un opcion p'e demandantenan. Abogadonan di Gobierno a splica cu t'esey Minister Michelle Winklaar a ofrece desde e prome dia! E ora ey a acorda cu Pastoor Thomas Martis lo representa e barco na Aruba y e lo para responsabel pa tur impuesto y otro rekisitonan local. Siendo un persona naci na Aruba, e no tin mester di un permiso special pa maneha un negoshi. Di e forma aki ta un persona local lo bende e productonan aki, cu ta wordo provee dor di e barco, y cu e persona local lo mester paga BBO y tur otro belastingnan aplicabel, mescos cu tur otro comerciante local. Huez a duna e demandantenan di conoce cu e caso tabata inecesario, si a sigui conseho di Minister Winklaar desde e prome dia, e barco lo por a drenta y benta di e bukinan por a cuminsa mesora via di nan representante local.

## Ban Bahe!

### DEN 6 SIMAN

CU OKEANOS SPA NA RENAISSANCE MALL

PA SOLAMENTE  
**AFL. 375,00**

PROBECHA DI E OFERTA SPECIAL AKI,  
PA BAHU PESO DEN 6 SIMAN  
CUMINSANDO DIA 13 DI JANUARI 2010

Tur siman nos lo midi bo peso, bo lo haya un dieta special y un programa di ehercicio.

Y cada siman lo bo haya tambe un tratamiento special den nos Spa, incluyendo un massage, facial, pedicure, manicure y hair blow.

PA INSCRIPCION OF MAS INFORMACION, YAMA NOS NA TELEFON 523-6176



# CARNIVAL 56 SPECIAL

2 Medium,  
1 topping pizza  
+ 2lt. Coke\*

Afl. **40,-**

\* Or any other flavour  
of Tropical



Palm Beach 586 0333

Playa/ Tanki Leendert 582 0333

Savaneta 584 0444

**YAMA  
AWOR!**



Get the door. It's Domino's.®



# AirTran ta inaugura servicio for di Orlando, Florida

**ARUBA** Airport Authority N.V. (AAA) a yama bonbini na AirTran Airways su prome vuelo semanal for di Orlando pa Aruba riba diasabra 9 di januari 2010 cu e tradicional saludo di awa door di brandweer. Cu comienzo di e servicio aki AirTran lo conecta pasaheronan pa y for di Aruba via Orlando su Aeropuerto Internacional, Aruba su di 13 gateway den Merca.

AirTran Airways ta usa avionnan B737-700 riba e ruta aki y

ta ofrece 12 asiento den business class y 125 asiento den economy class. AAA hunto cu su partnernan turistico ATA y AHATA lo sigura e exito y mehoracion di e servicio den futuro cercano. Orlando ta un destinacion hopi popular pa local cu awo lo tin un opcion alternativo den servicio aereo. Ticket por wordo cumpra riba AirTran Airways su website [www.airtran.com](http://www.airtran.com).

"Awe ta un hopi bon dia" asina Peter Steinmetz, Managing

Director di AAA a bisa, "Nos di 13 gateway na Merca a wordo lanza despues di un aña hopi turbulento. Hunto cu nos partnernan ATA y AHATA nos ta comprometi pa traha hunto cu AirTran Airways pa sigura exito y expansion di e ruta nobo aki. Orlando ta un ruta interesante como cu e tin tambe potencial pa genera basta trafico door di Disney World y otro parkenan di recreacion."



Organisa pa ARR UWAC

## 5km Urataka Fun Run/Walk lo ta 16 di januari venidero



ca. ARR UWAC ta invita henter pueblo di Aruba pa bin participa na e Urataka Fun Run/Walk. E ruta cu lo ser recorri no ta uno desconoci, e start lo ta na Plaza Deto Varis direccion Urataka, Picaaron, Warawara, Macuarima, bek pa Plaza Deto Varis. Note pa bo no perde!

**DIASABRA** 16 di januari venidero cuminsando pa 5:30 di atardi, ARR UWAC lo ta organisa su prome evento den aña 2010, un di e eventonan mas grandi y sigur popular, cu cada aña ta acapara masha hopi atencion ta e Urataka Fun Run/Walk. E aña aki, e ta start na Plaza Deto Varis (dam di Kas Ariba). Ta ser spera un

cantidad grandi di coredor y canador, mirando cu Urataka Fun Run/Walk ta hopi gusta y tur aña e deportistanan ta bin hunto na e actividad, pa asina cuminsa un aña deportivo yena cu positivismo. Inscripcion ta cuminsa for di 4'or di atardi na Plaza Deto Varis y ta costa solamente Afl 5,00. Na final lo tin patia y gatorade pa refres-

## AWACERO DI GRACIA Programacion di Awacero di Gracia di siman

11 Januari 2010: Es-  
cusanan pa no sirbi y  
obedese Senjor

12 Januari 2010: Por-  
don

13 Januari 2010: Ben-  
dicionan di e Creyent-  
nan

Na Radio Victoria 93.1  
fm di dialuna pa diaran-  
son di 10:00 pa 11:30 di  
anochi.

Presentador: John v.d  
Biezen hunto cu e Team  
di Awacero di Gracia  
E-mail [awacerodigra-  
cia@hotmail.com](mailto:awacerodigra-<br/>cia@hotmail.com)



**Boutique Keyla**

**50% discount**

riba pañanan selecciona  
Bin jump in serca nos pa bo jeans y mucho mas pa Carnaval



Paradera 84 9:00 am – 1:00pm 2:30 pm – 6:30pm




Parlamentarionan Sneek y Croes cu trabou di control

# Cu wowonan critico pa garantisa derecho di e pueblo!



**DIABIerna** ultimo parlamentarionan Marlon Sneek y Paul Croes tabata di bishita na diferente negoshi riba nos isla pa tuma nota cu nan mes wowo con e introduccion di e cambio di ley a wordo acepta y con comerciantenan ta ehecutando e ley aki pa realmente e pueblo cumprado por bay beneficia di e reduccion di 1.5 % di BBO aki na nos isla Aruba. Mester bisa cu por a tuma nota cu diferente lugar a introduci e






**8 Aña di Experiencia**

## Mester di Placa?

*Prestamo Inmediato riba cualkier Articulo.*

**Ademas: Nos ta Cumpra tur Sorto di Oro No ta Importa e Condicion!**



cambio aki integralmente y tin otronan cu ta haciendo e trabanonan ainda. Pa esaki mester bisa cu comercio te awor tabata hopi habri pa muestra con nan ta ehecutando e ley aki y tambe a trece dilanti e inconvenianan cu e cambionan aki a trese cu ne pa loke ta e parti operacional di nan compania pero cu sigur nan lo bay ehecuta e cambio di ley aki mirando cu ta algo formal y legal.

lo sigui, caminda tur e 12 parlamentarionan lo ta riba e isla pa di un forma simbolico demostra e pueblo cu nan ta para na nan banda y lo haci loke ta den nan alcance pa garantiza cu ley ta wordo ehecuta. Sigur di parti di departamento economico y di parti di Fundacion Cas nos ta spera un control severo pa asina garantiza e pueblo cu nan ta haya realmente e balor di nan placa bek na comestibel y alabes nos kier a encurasha e pueblo pa bira mas pro activo y para pa bo derechonan

Mester bisa cu e trabao di control y bishita di e diferente parlamentarionan di partido A.V.P

**La Estrella ta dunabo e mihor prijs, garantiza! , Si encaso abo haya un mihor, La Estrella lo regalabo e prome luna gratis.**

**Playa**



Wilhelminastraat 19,  
Tel: 582 2364  
Dialuna pa Diasabra  
7:30am - 8:00pm  
Diadomingo  
10:00am - 2:00pm

**S. Nicolas**



V/D Veen Zeppenfeldstraat 34  
Tel: 584 8067  
Dialuna pa Diasabra  
8:00am - 6:00pm

**Noord**



Noord 124  
Tel: 586 2842  
Dialuna pa Diasabra  
8:00am - 6:00pm

**Dakota**



Av. Milo Croes  
Tel: 583 4318  
Dialuna pa Diasabra  
8:00am - 6:00pm

[info@arubaestrella.com](mailto:info@arubaestrella.com) [www.arubaestrella.com](http://www.arubaestrella.com)

Ricibi **AWEMainta**

tur dia den bo e-mail pa asina bo keda bon informa.

Con pa bo hañe?

Manda nos un e-mail na [noticia@awemainta.com](mailto:noticia@awemainta.com)





# DE CUBA ELECTRICAL CONTRACTOR NV

**Zeewijk # 26**

**Telephone: 584 6020 • Fax: 584 6019**


**E-mail: [everardodecuba@dcec.aw](mailto:everardodecuba@dcec.aw)/[m.decuba@dcec.aw](mailto:m.decuba@dcec.aw)**

**Specialisa den instalacion di koriente residencial,  
commercial y industrial  
cu mas **21** anja di experiencia!**

***Tin e servicio di huur  
Bucket Truck Grandi  
di 60 pia***



***Tin un Drilling Truck  
pa cualkier trabow  
di boramento entre  
otro grounding pa  
koriente of  
boramento te cu awa  
Max. 220 pia hundo***



***Tin e servicio di un  
Reel Truck —————>  
pa trabownan di  
Halamento di kabel  
y/of kargamento di kabel***



***Tin e servicio di huur  
Bucket Truck Chikito  
di 30 pia***





# Apesar di hincamento y bringamento, Fakkel Optocht a bay relativamente bon

**VOCERO** di Polis, sr. Papito Comenencia, a duna di conoce cu Fakkel Optocht a bay regularmente hopi bon. E ta bisa si cu tabatin dos hincamento cu ta uno na altura di Centro Bolivariana, unda un homber a haya hinca den su garganta y tambe na altura di veld di Cri-

quet, unda un homber a haya hinca den su lomba.

Tambe tabatin un pelea na altura di Banco di Caribe. Un mucha muher accidentalmente a wordo gedal pa un auto tambe na haltura di veld di Criquet.

Pesey nos ta bisa cos no a bay facil y bon manera hopi hende

a kere. Fakkel Optocht tabatin su problemanan y polis mester a interveni.

Nada no por bay trankil, semper tin algun persona cu ta gusta busca problema y esaki lo sigui asina, apesar di tur advertencia di polis cu nan ta sigui cu e accion O-Tolerancia.



## Despues di no a duna preferencia y a ocasiona accidente chofer di pick-up kier a bandona sitio di accidente

**DIADOMINGO** madruga a drenta informacion di un accidente n'e cruzada Emmastraat-Emanstraat. Na yegada di e patruya a bin constata cu un pick-up Ford F150 cu tabata coriendo den Emmastraat no a duna preferencia na un taxi cu tabata coriendo den Emanstraat y a ocasiona un accidente,

unda cu e pick-up despues di a dal riba e taxi a bay dal riba un muraya y destrui esaki tambe. Despues di esey e chofer di e pick-up a tur manera purba bandona e sitio di accidente, pero debi n'e impacto el a haya un flat tire y no a logra bay mucho leu.





# Dama chofer a slip, perde control y a bay dal riba pal'i luz y keda herida

**DIADOMINGO** madruga a drenta informe di un accidente cu hende herida den Hubadastraat. Na yegada di polis a constata cu pa un motibo of otro e dama chofer lo a slip, perde control y finalmente bay pega riba e pal'i lus.

E impacto tabata asina fuerte cu hasta el a dal su cabes n'e windshiel y tabata sangra. Na yegada di ambulance a atende e dama chofer y a transporte pa hospital.



## Un auto ta subi caminda net ora cu sin spera un pick-up a bay pasa un van, causando accidente



**DIADOMINGO** madruga a drenta informacion di un accidente hit&run na rotonde Tanki Leendert. Na yegada di e patruxa policial, a constata cu pick-up a bay pasa un van na un cruzada poco pazuid di e rotonde Tanki Leendert, pero net n'e momento ey un auto a

subi e caminda n'e cruzada ey. E pick-up a dal e auto y despues sigui core bay, algun hende cu a wak kico a pasa a purba sigui e pick-up cu a core masha duro huy bay for di e sitio. Ta trata aki di un pick-up Toyota blanco cu sla e banda robes.



# Na Tanki Leendert un ciudadano di 61 aña bira victima di secuestro, atraco y maltrato

UN señora diasabra anochi 8.10, ta yama warda di polis y ta bisa cu tin un homber maltrata benta riba veld na Tanki Leendert, banda di Kapel Montecalvario.

Polis ta bay y ta topa cu e homber F.D. naci na Aruba di 61 aña, kende ta bisa polis cu 3 homber a sake for di Paradise Restaurant y nan a hinke den un Nissan blanco.

F.D. ta bisa cu e trio a maltrate y a kita dos mil florin di dje y su otro pertenencianan, e.o. a bay cu su celular tambe. Despues di a secuestr'e, maltrat'e y atrak'e, nan a benta na altura di veld di Tanki Leendert for di e auto. Ambulance a bin n'e sitio y a hibe poli pa tratamento.

Polis tin e caso aki bao investigacion p'asina pone man e criminalnan aki.



## Tin un otro grupo cometiendo atraco, ya caba autoridad tin bista riba nan



ALGO prome cu mey anochi diabierna a drenta informe cu un atraco a sosode na Highway Convenience Store na Paradera. Mesora a dirigi un patruya n'e sitio. Na yegada di polis a bin constata cu un atraco arma a tuma lugar na unda cu 2 persona color scur a drenta den e lugar. Un di nan cu un arma di candela den su man exigiendo pa placa.

E Chines cu tabata tras di e toonbank mesora a habri e cashregister y a pasa e otro atracador esaki y eyan e otro atracador a ranca e placa y nan 2 a core sali na pia.

E team di investigacion di atraconan a ser avisa y a bay n'e sitio p'asina mesora inicia cu e investigacion.

## Mas atraco, awor ta Casa Vieja Restaurant a bira victima di atraco



DIASABRA madruga a drenta informe di un otro atraco y e biaha aki na Casa Vieja Restaurant na Cumana. Na yegada di e patruya policial, a bin constata cu un atraco a tuma lugar n'e sitio. T'asina cu ora cu e lugar a sera, esun encarga a bay sali via e porta patras di e negoshi, unda eyan 2 persona a warde sali pa saca un pistol y a existi'e placa.

Mesora a e persona encarga a purba bringa cu nan, pero asina mes nan a logra kita e placa for di dje y bandona e sitio. E team di atraco a ser yama pa bin investiga n'e sitio. E atracadornan a bay cu mas di 1200 florin.



Internacional

Lobo ta boga pa amnistia politico pa autornan di e golpi na Honduras



**PRESIDENTE** elegi Porfirio Lobo a bisa diasabra cu un amnistía politico pa e protagonistanan di e golpi di Es-

“Mundo ta pidi un muestra cla di voluntad politico di e hondureñonan, loke ta inclui e derecho na amnistia”, segun Lobo, lider di Partido Nacional y ganado di e eleccion general di november.  
  
 E’la bisa cu “di e manera aki nos ta keda bon cu comunidad internacional y lo restablece e lazonan di amistad cu nos tin cu tur pais. Nos tur ta interesa den un bon relacion cu Merca, cu Union Europeo, cu nos rumannan Centro Americano, cu Canada y otro nacionnan”, Lobo a declara den un rueda di prensa.  
 E’la bisa tambe cu “ta impor-

tante pa Estado otorga pordon na tur esnan” involucra cu e destitucion di Zelaya, despues di adverti cu “esun cu kier lo por renuncia e amnistia pasobra esey ta su derecho... y e situacion lo trece paz pa e nacion y lo resolve e problemanan cu e pueblo ta enfrenta”.  
  
 E amnistia ta cuminsa wordo debati den congreso awe riba peticion di Lobo y lo beneficia un cantidad di hefe militar cu a wordo acusa e siman aki pa Ministerio Publico pa extradita Zelaya.  
 Organizacion di Estadonan Americano (OEA) a expulsa

Honduras como miembro na juli 2009 despues cu militar- nan a saca Zelaya di su cas y expuls’e pa Costa Rica.  
 E presidente destitui sinembargo a bolbe Tegucigalpa clandestinamente dia 21 di september y a refugia den embahada Brasileiro, caminda e ta ainda.  
  
 Lobo, cu dia 27 venidero ta asumi poder, a bisa cu su gobierno “ta garantiza e seguridad necesario” na tanto e presidente di facto Roberto Micheletti como na Zelaya “pasobra e ta un derecho cu pa ley ta coresponde na tur dos”.



VACANTE FUNCTIE OFFICE for STUDENT AFFAIRS

De Universiteit van Aruba is volop in proces van groei van alle faculteiten. Bij de OSA (Office for Student Affairs, bestaat de behoefte aan uitbreiding van het ondersteunend staf. Mede in het kader hiervan bestaat er momenteel een vacature voor een:

**SECRETARIEEL /ADMINISTRATIEF MEDEWERKER TER ONDERSTEUNING VAN DE OSA (FULL-TIME)**

Deze functionaris zal werkzaam zijn in de Office for Student Affairs (OSA) van de Universiteit van Aruba.

**TAAKBESCHRIJVING:**

De taken houden in a) het beheren en bijdragen tot de continu verbeteringen van de studentenadministratie (registratie, studentenpas, toelatingseisen voor alle faculteiten); b) het verlenen van service aan de studenten, verstrekken van informatie, het registreren van eventuele klachten, wensen en behoeften van de studenten, telefoonbehandeling en verzorgen van de correspondentie; c) actief meedenken en samen met studenten zoeken naar mogelijkheden om de studentenzorg te verbeteren; en d) ondersteunen van studenten; e) plannen van voorlichtingsdagen, ontwikkelen van studiegidsen, folders; f) ondersteunen van de coördinator OSA en de overige activiteiten van de OSA.

**FUNCTIEVEREISTEN:**

Kandidaten dienen te beschikken over: i) een afgerond diploma HBO, bij voorkeur met een administratief–secretariële inhoud; ii) vloeiende beheersing van Nederlands, Papiamentu en Engels in woord en geschrift (beheersing van het Spaans strekt tot aanbeveling); iii) goede beheersing van administratieve computerprogramma’s; iv) goede communicatievaardigheden; slagvaardigheid, stressbestendigheid, integriteit en flexibiliteit; studentvriendelijke instelling, collegiale en positieve teamgeest. v) klantvriendelijkheid. iiv) bereidheid tot flexibele werkuren.

Wij bieden een kleine werkkring waar docenten collegiaal samenwerken met opgewekte en werklustige studenten, de voor de Universiteit van Aruba geldende primaire en secundaire arbeidsvoorwaarden en een full-time aanstelling.

**SOLLICITEREN:**

Uw schriftelijke sollicitatie, vergezeld van een curriculum vitae, kunt u uiterlijk **10 dagen** na het verschijnen van deze advertentie richten aan de Universiteit van Aruba, t.a.v. mevr. Frances Figaroa, J. Irausquinplein 4, Oranjestad, via e-mail: [frances.figaroa@ua.aw](mailto:frances.figaroa@ua.aw). Voor nadere informatie kunt u contact opnemen met Mevr. Charisse Hoen-Daly M Ed(coördinator OSA) tel 582-3901 toestel [232/ charisse.hoen@ua.aw](tel:232-3901) Eén (of meer) sollicitatiegesprek(ken), medische keuring, psychologische test, alsmede het overleggen van een verklaring omtrent gedrag zijn conform ons sollicitatiereglement standaard onderdeel van de werving- en selectieprocedure.

Hoben cu a confesa di a contrata otro pa mata su mama, awor ta nenga



UN hoben di 17 aña cu a admiti na autoridad na Houston cu e’la contrata un amigo pa mata su mama, awor a nenga su participacion na e morto puñala.Polis ta bisa cu Danish Minhas a bisa investigadornan cu e’la contrata Nur J. Mohamed di 18 aña di edad, pa mata su mama pasobra esaki tabata demasiado controlador. Polis a bisa cu tur dos hoben a confesa. Pero den un entrevista desde prison, Mis a bisa e corant Houston Chronicle, cu e’la bisa polis esaki “pa necesidad”, y a señala Mohamed como e unico responsable. Mohamed a nenga pa wordo entrevista.Danish Minhas a yama polis dia 25 di november pa bisa cu e’la haya su mama, di 43 aña, fatalmente hinca cu cuchiu.Polis a bisa cu Danish Minhas no tabata di acuerdo cu e normanan di e mama, cu ta inclui pa e ta na cas na cierto ora y cu e mester haci trabao di cas.  
 Mis a bisa e corant cu e ta haya falta di su mama.



# Dos persona acusa despues di menaza di bom na aeropuerto di London



**DOS** homber a wordo acusa di haci menasa di bom falso y subi un avion di pasahero burachi, despues di un alarma di seguridad den e Aeropuerto Heathrow di London, segun informacion di polis Britanico. Agentenan di polis arma a detene Robert George Fowles

y Alexander Bain McGinn, den un avion di e aerolinea Emirates cu tabata cla pa lanta vuelo diabierna anochi, cu destino Dubai, despues cu e tripulantenan a raporta di a wordo menasa. Polis a bisa cu Fowles, di 58 aña, ta comparece den un corte awe y mientrastanto a



keda bao custodia. Pa McGinn, di 48 aña, a fiha un fianza y e lo mester presenta den corte dia 22 di januari. Un di tres suheto a wordo deteni hunto cu e dos sospechosonan, pero nan a lagu'e bay, polis a informa, y no a revela

su identidad.

Polis a saca tur pasahero di e avion, pero a bisa cu nan no a haya nada sospechoso a bordo.

Diabierna tambe, den un otro hecho, avionnan di guerra a lanta pa alcanza un jet di

pasahero di AirTran Airways cu destino pa San Francisco, pasobra un pasahero burachi lo a cera su mes den baño. E vuelo di Emirates, cu 331 pasahero, a keda London durante anochi y a lanta vuelo diasabra atardi.

## A descubri van yen di explosivo na España

**MADRID** - Dos presunto miembro di e grupo separatista vasco ETA a wordo deteni na Portugal despues cu un van cu explosivo a wordo descubri den noordwest di Spaña, un funcionario a informa ayera. E pareha, un homber y un muher, a wordo deteni pa polis Portugues despues cu e homber a logra hui di Guardia Civil Spaño, cu anteriormente a detene un van cu number Frances na un control rutinario, e delegado di Gobierno den e region Castilla y León, Miguel Alejo, a bisa na Cadena Ser. Varios medio a raporta cu e homber a pusha e dos agentenan y a sali huyendo den e vehiculo di patruya cu direccion pa Portugal, caminda tambe nan a detene un muher.

Guardia Civil despues a desaloja e zona rond di e van, den e ciudad Bermillo de Sayago, cerca di e frontera nort cu Portugal.

“Ora nos detene un terrorista y e terrorista tin explosivo, nos ta evita cualkier accion pasobra pa desgracia ya nan a demonstra cu nan no tin otro meta sino pa haci daño y mata”, Alejo a laga sa na Radio Nacional di Spaña.

Otro dos presunto miembro di ETA a wordo deteni na Francia, segun medionan local.

No tabata posibel pa confirma e informacion aki cu Ministerio di Asuntonan Interno. E representante di e cartera, Alfredo Pérez Rubalcaba, lo a haci declaracion despues, segun un comunicado di e ministerio.



Ademas di terrorismo internacional, Spaña mester lidia cu e criminalnan di ETA



Segun Nacionnan Uni

# Futuro di Haití ta depende di eleccion



Hedi Annabi, hefe di mision di paz na Haiti

E desaroyo democratico y economico di Haití ta depende di un par di eleccion parlamentario y presidencial cu ta programa pa e aña aki, e maximo representante di Nacionnan Uni den e pais Caribense a laga sa

diahuebs ultimo.

Den su discurso inaugural di aña, e hefe di mision di paz, Hedi Annabi, a bisa cu seguridad y economia di Haita a mehora na 2009, ora e pais a evita un paro politico a pesar di

salida di otro prome ministro. Pero Annabi a bisa cu e progreso relativo ta depende di e exito di dos eleccion den un pais caminda vota y conta voto hopi biaha ta conduci na violencia y caos.

“Exitu lo permiti e pais drenta den un circulo ehemplar den cual estabilidad y desaroyo ta reforza otro mutuamente”, Annabi a bisa di e eleccionnan. “Nan fracaso lo empeora desconfianza y sospecho y lo por pone e progreso di e ultimo cuater añanan na peliger”.

E prome prueba ta yega dia 28 di februari, dia mester tin eleccion pa e asientonan den ambos camara legislativo.

Funcionarionan cu a wordo nombra pa e presidente a descalifica varios grupo politico pa participa na e eleccion. Gruponan opositor a menaza cu obstaculiza e votacion, bisando cu conseho electoral ta habriendo caminda pa e recien forma partido Unidad, di presidente René Preval, gana asiento den parlamento, cambia e constitucion y aumenta e poder ehecutivo.

Preval a usa su discurso di Dia di Independencia, dia 1 di januari, pa priminti cu e elec-



cionnan lo ta husto, pero e no a papia di e descalificacion.

Annabi a haci un yamada na tur elemento di sociedad Haitiano pa contribui na e eleccionnan parlamentario y presidencial venidero, y a bisa cu e 9.000 soldad y polis di Nacionnan Uni cu ta bao su encrago lo percura pa seguridad y lo yuda

cu aspectonan logistico.

“E exitu di e eleccionnan ta depende no solamente di conseho electoral, cu naturalmente mester ehecuta su responsabilidadnan honorablenmte. Nan tin mester tambe di e dedicacion di tur principal actor di sociedad civil y tur ciudadano”, Annabi a bisa.

## Ex hefe policial di New York a dal muher na estado cu su auto



UN ex comisario di polis di New York a wordo acusa di a dal un muher na estado cu su vehiculo deportivo y core bay.

Polis a bisa cu Howard Safir a dal e muher diabierna atardi na Manhattan cu su pickup deportivo Cadillac.

E muher a wordo atendi pa un golpi na su schouder, pero sin consecuencia mayor.

Detectivenan di polis a dicidi di no presenta cargo, ya cu

Safir no tabata sa mes cu e'la dal un hende.

E victima ta mira esaki na un manera diferente. Joanne Valarezo a bisa e corant The New York Times cu tanto e como un pasahero den e vehiculo deportivo a grita e conductor pa e no core asina irresponsabel, prome cu e'la core bay.

E muher a bisa cu e no tabata sa ken e persona ta sino te ora e'la wordo informa pa un reportero.

Safir tabata comisario di polis

di 1996 pa 2000.

Ningun hende a contesta e yamadanan di telefon pa su casnan na New York y Maryland, cu a wordo haci pa busca su declaracion.

**AWE**  
**Mainta**  
noticia@awemainta.com  
**Tel: 583-1400**  
**Fax: 583-1444**



# Keintura di compra pa temor cu costo di bida ta subi awe

**MILES** di Venezolano a invadi e tiendanan di aparato electronico diabierna y diasabra ultimo pa temor cu e devaluación di nan Bolívar cu a wordo decreta recientemente lo manda e prijsnan cu ya ta halto caba, mas halto ainda, den e pais cu e inflación mas halto di e continente Sur Americano.

Den centronan comercial por a mira rijnan largo di hende cu tabata warda pa cunpra ekipo di sonido, computer, television y tur sorto di aparato electronico, den un pais caminda e afan di e consumidor ta un contraste cu e “socialismo” cu presidente Hugo Chávez ta tratando di implementa pa 11 aña caba.

E mandatario a anuncia diabierna cu, desde awe dialuna, lo tin un tarifa di cambio pa cu e dolar Mericano di 2.60 Bolívar pa Dolar pa necesidadnan prioritario, manera alimento y medicina, y otro “dolar petrolero” di 4,30 Bolívar pa Dolar pa otro sectornan manera textil, telecomunicacion y automotriz.

Te diabierna ultimo, e tipo di cambio oficial fiho unico cu tabata valido pa tur sector tabata di 2.15 Bolívar pa Dolar, desde 2005, den un control di cambio cu a wordo imponi casi siete aña pasa. Sin embargo, den mercado activo ‘negro’ of ‘paralelo’ e cambio a yega te hasta na 7 Bolívar pa Dolar.

Chávez, cu pa hopi tempo a resisti pa hisa e tasa di cambio y a bisa cu e pais lo sali triunfante di e crisis financiero mundial, nunca a menciona e palabra devaluacion y medionan oficial a haci mescos den nan transmision.

E anuncio economico importante, cu segun Chávez lo beneficia henter e pais y lo impulsa e economia, a tuma lugar anochi, ora cu hopi venezolano tabata mira weganan di baseball, un di e deportenan favorito di e pais.



“Mi a para dos ora den rij na entrada di e tienda pa mi cunpra un television y dos speaker pasobra sigur awe tur cos lo ta dobel mas cara”, segun Miguel González, un ingeniero di 56 aña.

Por lo menos 150 persona tabata warda pa wordo atendi den e tienda ey, den centro di Caracas. Algun tabata grita sarcasticamente ‘Biba Chávez’, ‘Sigui vota pa Chávez’, ¡Ban cunpra, ban cunpra, pasobra mundo ta bay caba!. Otronan tabata grita insultonan contra e presidente.

Hopi a corda e “viernes negro” di februari 1983, ora e Gobierno di e tempo ey a implementa un control di cambio y e placa, cu pa hopi aña tabata na 4.30 Bolívar pa Dolar, a cuminsa deteriora rapidamente.

“Esaki ta un ‘viernes negro’, tiñá

di cora”, segun Diana Sevillana, un hoben ehecutiva di benta, refiriendo na e color cu ta caracteriza e revolucion chavista. Mientras oposicion tabata critica e medida sigurando cu e lo subi inflación y pobreza e pais, na algun medio siguidornan di chavismo tabata alaba e medida.

Venezuela a cera 2009 cu un inflación di 25,1 por ciento, esun mas halto di e continente, mientras cu e economia a cay cu 2,9 por ciento.

“E medidanan no ta claro, mi kier pa un hende di Gobierno splicami kico mi por cunpra a base di e cambio di 2.60 Bolívar, y kico a base di 4.30. Y tur esaki den un pais cu ta importa tur cos y cu cada dia ta exporta menos petroleo, pasobra e tin guerra cu Merca, e tin guerra cu henter mundo”, e piloto Hebert Stangaro a bisa.





# Temblor di magnitud 6.5 dialnti costa nort di California

UN temblor di magnitud 6,5 diasabra ultimo a sacudi costa nort di California, haciendo edificacionan zwai na sur di e frontera cu Oregon y lagando varios comunidad sin electricidad. Ferndale, California - Servicio Geologico di Merca a informa cu e temblor a tuma lugar band'i 4'or y mey atardi di diasabra, na aproximadamente 43 kilometer di Eureka, un ciudad costero di como 26.000 habitante, ubica na 177 kilometer sur di frontera cu Oregon. E centro di emergencia di e estado no a haya aviso di herido ni di daño di consideración, segun e vocero di e Agencia di Maneho di Emergencia na California, Lori Newquist. Sandra Hall, doño di e establecimiento 'Antiques and Goodies' na Eureka, a bisa cu algun mueble a cay, casi tur su lampinan a kibra y algun cliente den su tienda di antigüedad a spanta. E ta di opinion cu esaki tabata e temblor mas fuerte den e 30 añanan cu a pasa desde cu e'la inaugura su tienda. "Tur cos a move pa un tempo largo", e'la bisa. Administracion Nacional Oceanico y Atmosferico a informa cu no tabatin menasa di cu e temblor lo a causa un tsunami. Na november 2006, un temblor di magnitud 8,3 na Hapon a causa olanan halto cu a suta e region pa ocho ora, causando daño pa 9 miyon dolar. E temblor tambe a wordo sinti na Capitola, un ciudad den centro di California, y na Rose-




e ciudad di Eureka

burg, den e zona central di Oregon, segun Richard Buckmaster, geofísico di Servicio Geologico. E pueblo chikito Arcata, cas di Universidad Estatal Humboldt, a keda sin electricidad y un habitante a bisa cu hopi obheto a cay, incluyendo television. "E tabata fuerte, un di e temblornan mas fuerte cu nos a haya aki den 20 año", Judd Starks a bisa. E ta traha den cushina di un bar y restaurant conoci como The Alibi. "Tur hende den e pueblo ta spanta awor. Coriente a bay completamente".



e pueblo Arcata







## Parada di Flambeau grandi y bunita, pero sin masha flambeau

ARUBA su Carnaval cual SAC ta organisando pa di 56 aña a cuminsa hopi bon diasabra ultimo, cu su asina yama Fakkelt Optocht (Parada di Flambeau). Aruba Tivoli Club a haci un tremendo trabao coordinando e acostumbra Parada di Flambeau.

E gruponan tabata grandi, bunita y acompaña pa bon musica. Tabatin hopi mirones cu a haci cu tabatin hopi hende riba

caya diasabra anochi. Colegio Arubano ta haya elogio pa t'e unico grupo cu tabatin flambeau y tambe un elogio sigur na Serlimar cu a haci e ruta, cual a keda hopi sushi, di inmediato limpi. Tambe no por lubida e otro instanciannan cu tambe tabata involvi, manera polis y Cruz Cora pa nan bon trabao. Pues Aruba su Carnaval #56 a cuminsa bon.







**Come up with the shirt for carnival 2010 and win!**



**Imagine everyone partying** in the streets wearing your shirt design! If we pick yours, we will print it on 5000 shirts that we will hand out during Carnival 2010! Hot bonus prizes: **50.000 Fun Miles** for the winner, 10.000 for the runner-up and 5.000 for the 2nd runner-up. **Get creative!**

**How do I enter my design?**

- Get the design sheet at Fun Miles (next to Kooyman Dakota)
- Create a Fun design which includes our logo and mentions our 5th anniversary
- Hand it in before **January 22, 2010** (with Fun Miles card nr. & phone nr.)

The winner will be selected by a panel of judges and announced on **January 25, 2010**. Contest open to **Fun Miles cardholders only**. **Good luck!**

**CHECK WWW.FUNMILES.NET FOR FULL RULES AND REGULATIONS!**



# Idefre den pleno preparacion pa Betico Croes Memorial Run

**IDEFRE** ta den pleno preparacion pa e prome careda oficial di IDEFRE pa aña 2010 esta e “Betico Croes 10-K run y 5-k run/walk”. E careda aki ta tuma lugar dia 25 di januari 2010, cual ta e fecha natalicio di Betico Croes (q.e.p.d.).

Ta premira cu e careda aki ta bira exito total un biaha mas. Ta recorda tur esnan cu kier participa na e careda aki cu tin un limite pa tuma inscripcion y esaki ta bay te cu 700 participante.

E aña aki e careda ta conoce un ganador nobo. Ronald Staring no ta na Aruba pa defende su titulo. Pa loke ta trata categoria damas, Lizayra Ponson tin

e tarea pa defende su titulo di 2009.

IDEFRE ta conseha tur esnan cu ta desea di participa na e prome careda oficial aki di pa tin un plan di entrenamiento y di nutricion, despues di dianan di fiesta e distancia y ruta por ta mas pisa cu por kere. Pa e di 25 edicion di Aruba International Half Marathon, IDEFRE tin un programa di entrenamiento pa por uza pa prepara pa e careda. E careda aki ta tuma lugar dia 14 di maart 2010, mientras cu ta faltando menos di tres siman pa e Betico Croes Memorial Run tuma lugar: dia 25 di januari venidero.





# Deporte

## The Giants Baseball Organization representa na Dallas

Den American Baseball Coaches Association ABCA

**DURANTE** e weekend aki diana 7-10 di januari tabatin e convention anual di American Baseball Coaches Association ABCA na Dallas Texas. The Giants Baseball Organization pa medio di su president Benjamin Francees a atende e convencion aki pa asina despues sigi dirigi e organisacion di baseball mas grandi na Aruba den cantidad di pelotero, cuminsando for di edad di 5 aña te cu hobennan di 18 aña.

**DURANTE** e clinicnan temanan sumamente interesante a worde treci dilanti, algun di nan pe. ‘Learning to be comfortable while being uncomfortable’; ‘Blding a winning team baseball program’; ‘Give your team an offensive tune-up’; ‘Stealing the big inning’; y

hopi mas. E punto culminante di e convencion di ABCA tabata na momento cu Nolan Ryan, un hall of fame pitcher y president actual di Texas Rangers di MLB a duna su presentacion, na unda el a toca e temanan interesante pa coach pitcher.

**ESAKI** ta un evento anual na unda cu coachnan di Merca y internacional ta asisti pa asina nan mehora nan capacitacion pa e season nobo. Spera cu pa otro aña mas organisacion di Aruba lo por participa pa asina nos sigi desaroya baseball. The Giants Baseball Organization ta sigi traha pa e futuro big leaguernan cu lo ta saliendo pa pone Aruba su nomber halto den mundo.



## Resultado nan di Dakota Lifida durante fin di siman

**DIABIerna** atardi Campeonato di LIFIDA a continua den division Lifida-Bnaunda Dakota a enfrente Dep. Nacional na veld di Nacional. Dakota B ta sali brabo y ta gana Nacional cu score di 7-0. Golnan di Dakota a wordo anota pa Owen van der Wijne (2), Benedicto van der Biezen (2), Avner Torres (1), Margyn Kock (1) y Nickenson Paul (1).

Diasabra mainta e weganan a continua den e division nan infantil. Dakota Mini Baby ta logra gana Nacional 3-0 pa default mirando cu Nacional no a cera suficiente hungador pa hunga. Despues a sigui cu Dakota Baby cu a golea Naional cu score di 8-2. Golnan di Dakota a wordo anota pa Michel Arends (4), Digion Ras (2) y Kevin Ravelo (2). Ultimo wega di e mainta a bai entre Dakota y Nacional den division Lifida-A. Aki Dakota ta golea Nacional cu score di 9-0. Golnan di Dakota a wordo anota pa Lyonne Paskel (3), Resef Gross (2), Kevin Ravelo (2), Kevin Villar (1), y Marshall Kock (1).

Diasabra atardi a toca turno pa Dakota Menor midi forza contra di Riverplate na veld di Dakota. Esaki a resulta un **TREMENDO** wega. Ambos ekipo a bataya fuerte contra contra riba tereno. Ambos ekipo kier a bai cas cu e victoria. Pero na final tabata Dakota ta logra gana e wega cu score di 4-3. Golnan di Dakota a wordo anota pa Gianno Carter (2) y Jean Polle Tromp (2). Un pabien na cada un di e ekipo nan aki cu a brinda fanaticonan presente un bunita wega di futbol.

Commission Dakota Lifida kier a felicita cada hungador y nan entrenador cu e resultado durante fin di siman tras di lomba. Un Bario...Un Team...Dakota UNI!!!

## Promer actividad di ahedrez pa aña 2010

**DIAHUEBS** awor lo start e promer actividad di ahedrez pa anja 2010. Esaki ta e campeonato di club pa aña 2010. E campeonato lo tuma 7 diahuebs anochi. E promer rond ta start diahuebs awor dia 14 di januari pa 8:15 di anochi. E ultimo rond ta programa pa tuma

lugar dia 25 di februari. Dia 4 di mart, lo tin entregamento di premio na e ganadornan. E torneo aki lo wordo hunga den un solo grupo. Pa e promer tres lugarnan lo tin un trofeo. E promer 6 hungadornan lo haya punto di FAA. Duracion di un wega lo ta 75

minut pa banda + 30 seconde extra despues di cada hugada. Dus un wega por dura maximo entre 3 pa 4 ora. Tur hende ta bon bini. Tur wega lo wordo hunga den nos clubgebouw na Nieuwstraat 11.

## Campeonato Nacional Bola-8 na Pool Palace cla pa cuminsa

**DIABIerna** 15 di januari awor pa exactamente 7’or di anochi lo tin loting p’e Campeonato Nacional di Bola-8, e wega mas hunga bao di nos Arubianonan. Despues di loting lo inicia di biaha cu e campeonato.

Ta continua diasabra pa 7’or di anochi y lo termina diadomingo pa 6’or di atardi. Na

momento cu un hungador mester hunga y no ta presente e ta perde pa default. Dress-code: No T-Shirts, No Shorts, No Slop, No Sandalia, No Pechi, (Polo-Shirts, Jeans y Keds ta OK) no ta permiti huma ni bebe alcohol den Playing Erena. (Kibrando e reglanan aki bo ta perde set completo). Por pasa inscribi serca Jorge

Petrocchi na Pool Palace desde awe caba. Y torneo ta eliminacion dobbel. E top 4 clasificadonan lo representa Aruba na Guatemala na luna di maart n’e Campeonato Panamericano di Bola-8 cu ta clasifica hungadornan pa Campeonato Mundial na april. FEBIAR ta invita tur hungador di biljard pa bin participa y demostra bo nivel di Bola-8.



# Academia di Steelpan lo ta estilo di Panyard



E projecto aki, recientemente lanSa, bau di e nomber di 'The Edgar Connor National Youth Steelpan Academy' ta tuma e asercamiento di hubentud Arubano pa involvi su mes den e Academia, masha na serio. Esey kiermen, cu e Academia di Steelpan lo ta diseña especialmente pa por cumpli cu e mundo specifico di hobennan cu nan propio balor y interes. Pa es motibo e modelo di organizacion di e Steelpan Academy lo ta den e estilo di Panyard. E modelo aki por percura cu e hoben cursista lo siña toca steelpan, hayando e oportunidad pa:

Sondea nan talent musical pa e 'steelpan' y atraves di esaki crea

un passion pa e instrument, pa ta den estrecho comunicacion cu otro como 'peergroup' y asina apoya otro y crea Amistad y tin oportunidad pa expresa nan mes den diferente forma cu e meta pa crea un ambiente 'groovy' y agradabel.

Tur esaki den un ambiente Caribense tipico di San Nicolas como urbanizacion. No mester mira e ora ey e Academia di Steelpan como algo 'stijf', pero mas bien consider'e como un 'hangout musical' preferi di hubentud di Aruba.

E Academia di Steelpan como un instituto formal, lo cay bou di pleno organizacion di The Caribbean University Community

College, un departamento nobo di The Caribbean University of Aruba, cu den aña 2010 lo ta encarga cu diferente curso di formacion general pa pueblo di Aruba.

Un suplica ta bay na hubentud di Aruba di entre 9-25 aña pa den siman di 11 pa 16 di januari siguiente, pa inscribi pa ta alumno di e Academia.

Esaki por sosode di 17:00 pa 19:00 tur dia na 'The Heart of San Nicolas', antes Sta Theresita Centre. Tur hoben cu inscribi lo ricibi un bunita t-shirt cu potret di Steelpan gratis. Por inscribi tambe online via di e website [www.caribbeanuniversity.net](http://www.caribbeanuniversity.net). Acudi lo mas pronto posibel!



## Aneudi Cabral, invitado special di Arufit Zumba diamars awor

**DESPUES** di un vacacion cortico na final di december 2009, e lesnan di zumba di Arufit by Niurca a cuminsa dialuna ultimo. Cu yen entusiasmo e zumbistanan a cuminsa pa asina nan ta den condicion pa carnaval 56 y tambe pa hiba un bida mas saludabel pa yuda combati obesidad na Aruba.

Arufit tin les di zumba tur dialuna, diaranson y diabierna for

di 5:30 pa 6:30 pm na Centro Deportivo Simeon Antonio y na EPB Hato tin lesnan di zumba riba dialuna y diaranson for di 7:30 pa 8:30 pm, diamars y diahuebs for di 6:00 pa 7:00 pm tin zumba y di 7:15 pa 8:15 pm tin WBD y diasabra for di 9:00 pa 10:00 am tin WBD.

Zumba ta un combinacion di diferente paso di baile y ehercicio riba diferente tipo di musica. Weights & Body Definition

(WBD) ta un mescla di diferente ehercicio pa tonifica bo curpa, usando peso y "grond oefeningen". Tambe un combinacion di diferente movimiento cu ta focus riba diferente parti di bo curpa, p.e. squads, weights y abdominal.

Cu orguyo Arufit ta anuncia cu otro siman lo tin presencia di un bailarín Arubiano profesional for di Hulanda, esta Aneudi

Cabral, pa asina muestra y siña nos zumbistanan pasonan diferente. Esaki lo tuma lugar diamars 12 di januari venidero pa 6'or di atardi na EPB Hato.

Arufit by Niurca de Cuba ta invita tur zumbista y henter pueblo di Aruba pa join e les di zumba, muy en particular diamars awor, pa hunto nos baila, pasa momento di alegría, kita stress, pa asina ta den condicion

pa carnaval 56 y hiba un bida mas saludabel.

**AWE**Mainta****  
el corazón de Aruba

Nos e-mail:  
[noticia@awemainta.com](mailto:noticia@awemainta.com)

**Tel: 583-1400**


**Fax: 583-1444**



# Serlimar a haci un tremendo trabao despues di e desaster cu e ciudadanon a haci riba e ruta di e Fakkel Optocht

**INCREIBLE**, pero berdad e cayanan unda cu e Fakkel Optocht a keda un desaster. Manera por tende comentario, cu nos mester siña tene nos isla limpi. Esnan cu ta participa, pero tambe esnan para na banda, mester crea un manera pa tira nan boter, cups, etc. den un lugar di tira sushi y no lague pa otro haci'e.

Mira tur e cupsnan, boter, cahanan di bebida etc. con esakinan a keda. Pero ta bon mes cu Serlimar a bin di biaha tras di e parada y a clean-up e ruta lague limpi limpi. Nan merece tur clase di elogio p'e bon trabao aki, pasobra kico un turista lo bisa, ora cu su mainta e lanta y mira e "guera" cu Aruba a pasa aden?







# Musiconan di Aruba tin un asociacion nobo, UMA

**UNITED** Musicians of Aruba (UMA) ta e asociacion nobo funda cu lo representa su miembronan esta e musiconan di Aruba full time riba diferente tereno. UMA kier uni, defende y promociona e interesnan economico, social y profesional di musiconan Arubano y asina hiba nan musica na un otro nivel. Tambe e kier crea mas posibilidad pa e musiconan progresa y pa nan musica worde scucha y nan haya mas trabao. Esey UMA kier logra dor di yega na un entendimento cu tur stacion di radio, pa toca cierto porcentahe di musica local, pa tin mas musico local ta toca den concierto den horeca y clubnan, pa reduci pirateria, pa otorga beca na muchanan cu tin tal-

ento musical, crea un programa di television specialmente pa e musiconan, dunando nan asina e oportunidad pa presenta nan produccionnan nobo y nan plannan. Tambe UMA kier mira un mihortrato pa bandanan local, ora cu nan ta presenta cu bandanan internacional, pa tin control riba musiconan stranhero cu ta bin specialmente pa traha, pa proteha e compositoran, y pa controla e prijs di mercado di e musiconan.

Tur musico na Aruba por bira miembro y esey e por haci via nan e-mail adres [unitedmusiciansofaruba@hotmail.com](mailto:unitedmusiciansofaruba@hotmail.com) of subi riba nan facebook na Aruba Musicians alabez miembrecia pa 2010 ta gratis.




## Bisou Bisou Pink a habri na Palm Beach Plaza

**BISOU** Bisou, un marca Frances cu ta existi ya pa 20 aña y a evolve pa bira un nomber lider den e mundo di moda na Merca, combinando estilo contemporaneo y hoben cu e moda di caya di Paris, a cuminsa e linea di Bisou Bisou Pink den su buskeda pa conquista curason di hende muher Latino Americano. E linea di Bisou Bisou Pink ta sexy, confortabel, y ta ofrece t-shirt, polo, jeans, lingerie,

pañã pa drumi, pañã casual y asesorio diseñã pa hende muher y mucha muher chic y moderno, di shete aña bai ariba.

E pacus na Aruba di Linda Breuer y Luis Urrea, na e mall completamente nobo di Palm Beach Plaza, ta ofrece mercancia sumamente atractivo den un tienda di concepto, cu vitrinanan cu ta invita bo pa haci compras, y hopi mas bunita toke decorativo.





# Ganadornan di premio durante Expo di Maduro Travel

**DURANTE** e expo exitoso di Maduro Travel, tur persona tabatin oportunidad di gana un premio. Asina p.e. e prome premio cu ta un Caribbean Cruise riba Majesty of the Seas a ser gana pa Vicky Dirksz Thiel.

Di dos premio a ser gana pa Angel Rojer, kende a gana un 7 day mini-van rental di Dollar Rent-A-Car.

Di 3 premio ta dos complimentary nights na Cola Creek Resort, ofreci pa METS – Suriname a ser gana pa Elly Muyale.

Di 4 premio cu ta un round trip cu DAE a ser gana pa Aura Leo, di 5 premio cu tambe ta un biahe pa Corsow cu DAE, a ser gana pa David Odor.

Di 6 premio, cu ta un biahe cu DAE pa St. Maarten a ser gana pa Suzette Peña.

Di 7 premio cu ta tambe un biahe cu DAE pa St. Maarten a ser gana pa Gei Nicolaas.

Di 8 premio, cu ta dos complimentary upgrade pa Comfort Class, riba un buelo di Arkefly a ser gana pa Maria L. Werleman.

Di 9 premio, cu ta un ticket pa bula bay Miami cu Surinam

Airways a ser gana pa Natalie Liao Jen.

Di 10 premio cu tambe ta un premio di Surinam Airways, pero bulando pa Paramaribo a ser gana pa Elsa Rafael.

Di 11 premio cu ta un weekend stay pa 2 na The Renaissance Curacao Resort & Casino a ser gana pa Brenda de Bruijn.

E otro premionan cu tabatin e.o. e \$25.0 dinner voucher na Mulligans Golf Café- Bar & Restaurant a ser gana pa Jacky Rumnit. Weekend stay pa 2 na Academy Hotel Curacao, a bay



pa Jennifer Angela. Luxurious weekend stay pa 2 na Avila Hotel Curacao a ser gana pa Jeanette van Egmond

y e ultimo premio di dia cu ta un weekend stay pa 2 na Howard Johnson Plaza Curacao, a ser gana pa Ketura Matos.

Na conferencia di prensa

## Entrega di e relato di e di 26 Conferencia di CNO a tuma lugar

**EX-PRESIDENTE** di Caribbean Nurses Organisation (CNO) y Presidente di e organizacion di enfermeronan di Guadeloupe, sr. Giraud, a bin Aruba pa haci entrega di relato di e di 26 conferencia di CNO. T'asina cu na 2008 e conferencia aki a tuma lugar na Guadeloupe.

Cada 2 aña e conferencia ta tuma lugar na un di e paisnan miembro y directiva di CNO

ta exige cu despues di cada conferencia un relato, cual mester cumpli na cierto reki-sito, mester wordo entrega n'e Presidente di e organizacion. Esey ta locual a ocuri n'e conferencia di prensa aki.

Den su funcion di t'e Presidente di CNO, sr. Richard Maxwell, kende ta tambe Presidente di ODEA, a ricibi e relato. Alabez sr. Richard

Maxwell a tuma e oportunidad pa informa cu e aña aki e di 27 conferencia lo tuma lugar na Aruba y cu esey lo ta di 24 pa 29 di october awor na Holiday Inn. Experiencianan organisando e evento aki a wordo comparti como tambe a wak maneranan con pa estrecha e lazonan di cooperacion entre Aruba y Guadeloupe y e otro islanan Caribense, miembro di CNO.






Okeanos Spa ta habri aña cu e mihor opcion pa bo resolucion...

## “Ban Bahe den 6 Siman!” ta un programa completo

Di ehercicio, dieet, guia y placer





**DECEMBER** a pasa y cune tur fiesta, reunion, celebracion y mas importante ainda, e comemento y bebemento na cantidad. Awor aña a habri y bo kier sea bay bek na un bon estilo di bida of inicia finalmente un cambio pa mihor salud. Pa e obhetivo of resolucion ey, e oferta mas reciente di Okeanos Spa ta simplemente excelente. Cuminsando diaranson dia 13 di

januari venidero y durante e siguiente seis siman, Okeanos Spa ta ofrece un programa y guia completo cu lo yuda bo elimina e libernan di mas y crea un regimen nobo cu lo cambia bo manera di come pa uno sigur hopi mas saludabel. Ban Bahe den 6 Siman! ta pone e expertonan di Okeanos Spa na Renaissance Mall na bo disposicion. Esey ta inclui



e instructor di fitness como



tambe e personal di estetica ya cu e programa aki, ademas di duna bo un programa di ehercicio y di dieet personaliza, ta permiti pa haci uso di e facilidad di e gym di Okeanos Spa tres biaha pa siman durante di un ora. Adicionalmente bo ta ricibi un tratamiento di estetica pa siman cu ta varia entre un massage, blow di cabey, manicure, pedicure y facial.

**TUMA** contacto awe mes cu Okeanos Spa y registra pa e programa di Ban Bahe den 6 Siman. Sigura cu bo ta inicia 2010 cu un di e resolucion di mas importante, y esey ta cuidando bo fisico y salud. Ademas di esaki lo bo ta fit na ora pa luci un bunita figura sea paden of na banda di parada di Carnaval.



Miss Janiray Loeffstop ta celebra cu 18 anja pasa ela mira lus di dia y a bira princess di su mami Janine, papi Raymundo. Miss Arubaantjuh a bin celebra su b-day hunto cu tur su famianan y amistadnan na Aruba. Ela laga e sneeuw atras pa bin ricibi awe brasa y sunchi di tur cu ta desee hopi anja mas di bida y salud: su mami y papi, su little bro Raymondje, Tio, Nana, tanchi Strinda, tanchi Eileen, Mo Mirto, Eltmond, Rudolf, Reng, Sherylu, Shera, Shelby y demas famia y amistad aki na Aruba y kikkerland cu ta 2 much 2 mention. Enjoy your day y e ultimo dianan di bo vakantie.



Minister Michelle Winklaar a bay celebra cu nan....

## Celebrando 197 aña di bida den cas di nos grandinan

DEN un evento masha bon concuri cu caha di orgel, snacks y coi bebe, famia y demas habitante di cas "Betesda" a celebra e hecho cu dos di nan huespednan a cumpli aña. Olga Alicia Ramirez a celebra no menos cu 100 aña di bida, mientras cu Viola Kelly a cumpli no menos di 97 aña di bida. Na e ocasion aki Minister di Asuntonan Social, Michelle Winklaar a atende e evento y a entrega cada un di e cumpleañeranan un re-

galito. Cas pa nos grandinan "Betesda" ta un entidad priva y ta situa na Tanki Leendert y ta existi pa 2 aña caba. Den dje nan ta duna cuida, alimento, atencion medico, brinda atencion medico, y busca receta na botica, etc. pa no menos di 24 pacient. Famia mes ta paga pa e servicio aki a base mensual. Minister Michelle Winklaar a desea ambos cumpleañera hopi aña mas di bida.






Polis ta intermedia entre homber y muher burachi

**PRESENCIA** di polis a wordo pidi diabierna madruga algo pasa di diesdos ora, na un apartamento na Rooi Afo, unda un pareha tin problema cu otro. N’e sitio, polis ta papia cu e homber T., kende ta bisa cu el a bay n’e lugar cu e muhe M.I., naci na Aruba di 33 aña pa pasa un rato alegre. Durante esaki, M.I. a pidi e homber placa. Polis a papia cu tur dos y e muher, kende tabata bao di influencia di alcohol, a cuminsa haci fastioso y bira agresivo. Polis a pone den boei y a hibe warda, unda el a haya un cuarto gratis pa pasa resto di e anochi.

Polis ta intermedia den problema entre pareha


**PRESENCIA** di polis a wordo pidi diabierna dies pasa di cuater na haltura di Adventure Golf, unda un homber ta maltrata un muher. N’e sitio, polis ta papia cu e homber C.P. naci na Jamaica di 32 aña, kende ta bisa polis cu e tin un relacion di 10 aña caba cu e muher M.B. naci na Jamaica di 33 aña y nan ta biba hunto y nan tin un yiu homber. El a bisa polis cu el a bay busca e mucha na scol, y a topa un otro homber sinta den auto di e muher. Segun e ta sigui declara cu el a rabia y kier a bringa tanto cu e muher como cu e homber. E amigo nobo a bin cu vakantie na Aruba. E muher M.B. a bisa polis cu e no kier tin nada mas cu C.P., pero e problema ta cu e apartamento ta di C.P.y e no tin lugar p’e bay. C.P. sinembargo a bisa polis tambe cu e no kier M.B.mas den su apartamento. Mirando esey, e amigo nobo a dicidi di bay busca un lugar pa M.B. keda mientrastanto.



**AD PATRES**  
funeral home  
van Rensselaerstraat 2  
San Nicolas - Aruba  
E-mail: adpatres@xinet.net.aw

Tel: (294) 584-2299  
584-8413  
Fax: (297) 584-2266


“Den beyesa di e naturalesa rond di mi, mi ta reconoce grandesa di Dios nos Señor.”  
Cu inmenso dolor y tristeza den nos curason, pero conforme cu boluntad di Dios, a bai laga nos despues di un lucha largo nos tata, abuelo, ruman stima



**Demetrio Maduro**  
Mihor conoci como “Dems”  
23 juni 1943- 8 januari 2010  
Na edad di 66 anja.

**Acto di Entiero lo wordo anuncia despues.**

**Adres pa condolencia:** Ad Patres Funeral Home  
Dialuna 11 di Januari 2010  
Diamars 12 di Januari 2010  
Diahuebs 14 di Januari 2010  
Di 7:00 pm – 9:00 pm




**AD PATRES**  
funeral home  
van Rensselaerstraat 2  
San Nicolas - Aruba  
E-mail: adpatres@xinet.net.aw

Tel: (294) 584-2299  
584-8413  
Fax: (297) 584-2266

**Gradicimento y Invitacion**


Pa medio di esaki nos ta gradici di curason tur persona cu di un of otro manera a mustra atencion, sosten y a duna nan ayudo na ora di fayecimento y entierro di nos mama di criansa, tanta, tanta grandi y amiga stima:



**Sra. Vda. Josefina v.d. Biezen-Pietersz**

Un danki special pa: dr. Luchmunn y su asistentnan, personal di kamer 280/284 di Horacio Oduber Hospital, Reverendo Curtis Meris, famianan di Korsou y Hulanda cu a bin pa compana nos. Tur famia, bisinja, amigo y conocir di Aruba, Korsou y Hulanda cu tabata presente. Tur cu a manda krans , flor y a bel y manda mensahe via email. E personal di Ad Patres Funeral Home pa un servicio y ayudo sublime.

Nos ta invita tur famia, bisinja, amigo y conocir pa dos Santo Sacrificio di misa riba diamars 12 y diarason 13 di januari 2010 pa 6:30'or atardi na misa Santa Teresita. Despues di Santo Sacrificio di misa diarason 13 januari lo tin un rosario na cas di e defunto na Trompstraat 15. Boso presencia lo ta altamente aprecia.




**Aurora**  
Funeral Home

Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

E luz di Dios ta tur rond di mi  
E amor di Dios ta cubri mi  
E poder di Dios ta proteha mi  
E presencia di Dios ta vigila mi  
Unda cu mi por ta Dios ta hunto cu mi

Agradecido pa tur locual el a nifica pa nos, nos ta anuncia cu a fayece mi yiu, esposo, tata, welo, ruman, suegro, omo y amigo stima:



**José del Carmen Herrera**  
“Jossy”

**Na nomber di su mama Sra vda Betty Herrera**

**Su esposa** : Juana Migdalys Herrera-Zarraga

**Su yiunan** : Jairo y esposa Dileny  
Joël  
Julaica  
Loumary  
Dulce  
Graciela  
Josue

**Nietonan :** Jamieson, Jessica, Judith y Juanita

**Suegra** : Cruz Zarraga

**Rumannan** :Fina y yiunan Gino, Bianca , Mayra y famia + Buchi y yiunan Jury, Anoushka y famia Rudy y yiunan Rick, Rizo, Rino, Raiska, Jorge, Victor, Jarvis, Amos y famia Filomena y esposo Juby Naar y yiu Neomar y famia Carmen y esposo Victor Kock y yiunan Sharisa ,Victor y famia Tuyo y yiunan Artoir ( Artie ), Alfred, Achmed y famia Lucia y esposo Remi Flanegin y yiunan Lucimar, Re y famia Tika

**Ex esposa y mama di su tres yiunan mayor** : Lucia Thiel y famia

**Tantanen** : Sra vda Marian Lopez Bislik  
Su madrina Sra Ana Maria Bislik  
Sra Jacinta Herrera  
Sra Theresita Herrera

Ta invita tur primo y primanan, famianan, cuñanan y swanan , ihanan , ex-coleganan di ATA Airport, bisiñanan, amigonan, conocirnan, musico y cantantenan pa asisti na **acto di entierro cual lo tuma lugar Diarazon dia 13 di januari 2010 di 2or pa 4’or di atardi na Misa Santa Theresita na San Nicolas.** For di 2or e restonan mortal lo ta reposa den misa y despues saliendo pa Santana Catolico na San Nicolas.

**Adres pa Condolencia:** Aurora Funeral Home  
Cumana # 76  
Diamars 12 di Januari 2010  
7:00 – 9:00 pm

Lo tin un box disponible pa donacion pa fundacion Rode Kruis.

Despensa nos si den nos tristeza nos por a lubida di menciona un of otro famia o conocir.



# Doño di supermerca- do no ta en- trega keho, pero ta pone ladronnan riba blacklist

**POLIS** ta bay n’e supermarket Kong Fui na Meiveld, diasabra 7.20 di anochi pa un asitencia. Eynan polis ta papia cu e doño E.H., naci na Aruba di 33 aña, kende ta bisa polis cu el a mira un muher hunto cu dos otro muher mas ta horta cos den e supermercado.

Polis a bay na cas di e muher M.A.F. v.d B., naci na Aruba di 29 aña, na Meiveld, y e tabata di acuerdo pa bay cu polis na cas di su tanta L.B. naci na Aruba di 57 aña, biba na Rooi Afo. .

E otro sobrina J.G., naci na Aruba di 13 aña, tambe tabata hunto cune. Polis a detene tur tres sospechoso y a hiba nan warda.

E doño E.H. a bin warda di polis, pero e no kier a duna keho contra nan. El a bisa polis cu e cosnan cu nan a horta tambe nan por keda cune, pero e ta pone e 3 hendenan aki riba blacklist cu nan no por drenta den su supermercado nunca mas. Polis a scual tur tres y despues a laga nan bay cas.

**DANKI PA YAMA**

E celular aki ta dibo si bo tip conduci na un articulo exclusivo




HOTLINE  
**733-8477**

**Digicel**

Spera Mas. Hanja Mas.






van Rensselaerstraat 2  
San Nicolas - Aruba  
E-mail: adpatres@xcaribbean.com


Tel: (294) 584-2299  
584-8413  
Fax: (297) 584-2266

“Dune Señor, e descanso eterno y pa bo infinita misericordia, haci cu brilja den su alma e luz eterno di Bo Gloria pa Hesu Cristo nos Señor. Amen”.

A fayece cristianamente:




**Carlito Mario Henricus**  
Acto di entierro lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Señor ta mi wardador , mi n’ tin falta di nada:  
Den cunucu di yerba berde, e ta pone mi Sosega. E ta hiba mi na fuente di awa fresco, Pa Mi bolbe haya forsa .  
PSalmo 23.1

A fayece inesperadamente nos ruman y omo stima:



**Florencio Ernando**  
\*27-10-1923 †07-01-2009  
Mihor conoci como: “Fojen”

**Na nomber di su rumanan:**  
Olinda Diaz Ernando.  
Maria Barros Ernando.

**Su prima:** Theresita Kock


**Tur su subrino y subrinanan**

**Mihor amigonan:** Marko Kock y Marcelo

**Nos ta invita tur famia, amigo, bisiña y conocirnan** Ernando, Diaz, Kock, v/d Biezen, Barros, Boekhoudt Amoroso, Buevas, Limonier, Croes, Rosario, Oduber, Lacle, Tromp, Redondo, Fluonia, de Cuba, Wallé, Vrolijk Jansen, Rumanan di Iglesia Aliansa Evangelica O’sad, ta wordo invita na e **acto di entierro cual lo tuma lugar Diamars 12 di Januari 2009 na Aurora Funeral Home di 2’or pa 4’or pm y despues saliendo pa Santana Sabana Basora.**

**Adres pa condolencia :** Pavia #7 , Dialuna 11 di January 2009 7’or pa 9’or pm


Nos ta pidi nos disculpa si den nos tristesa nos por a lubida un of otro Famia  
Despues di entierro nos no ta ricibi bishita di condolencia na cas



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Cu e alma debil no mester tin miedo di acerca Mi, Picador y aunke cu e tin mas picanan cu pipitanan di santo cu tin riba tera, tur lo zink den e abismo di Mi misericordia. Esun cu ta confia den Mi y e enemigonan Lo dal contra e banki di pia. Hesus mi ta confia den bo.

**A fayece cristianamente na edad di 82 aña**



**Edwin Oscar Joseph de Cuba**  
\*10 September 1927 - † 9 Januari 2010

**Esposa** Maria Theresita (Chita) de Cuba – Arendsz

**Yiunan** Edwina y Victor Loefstop - de Cuba & yuinan  
Josephine de Cuba & yuinan  
Raymond y Sherry de Cuba - Kilcolins & yuinan  
Emile y Susan de Cuba - Roberts & yuinan  
Edeline de Cuba & yuinan  
Michael y Natalie de Cuba - Diaz & yuinan

**Mescos cu yiu** Robby Domacasse y famia

**Nieto y Nietanan** Jairo Loefstop, Jael Loefstop  
Danny y Jessie Lopez Henriquez - Mesa y yiu  
Emilia y Jorge Niebles - Lopez Henriquez y yuinan  
Conray y Michelle de Cuba - Heaton y yiu  
RJ de Cuba, Rachel de Cuba  
Chelsy de Cuba, Gabriel de Cuba  
Ayxel Kock, Aldwin Kock, Angerie Kock  
Amanda de Cuba, Ilana de Cuba, Alina de Cuba

**Bisanietonan** Tristan, Amalia, Isabela & Scarlet-Jade

**Ruman nan** Helen de Cuba & yuinan  
Wim y Norma de L’Or - de Cuba & yuinan

**Primo ruman** Neto Arends & famia

**Cuñia/Swa** †Adri y Chima Arendsz - Croes & yuinan  
Milda y Jenny Wever - Arends & yuinan  
†Max y Lilian Arendsz - Galmeyer & yuinan  
Rembert y Casilda Arendsz - Croes & yuinan  
Enny Arendsz  
Norman y Mena Arendsz - Croes & yuinan  
†Roland Arendsz  
Clyde & Annie Arendsz - Tromp & yuinan  
Tintina Lacle

**Demas famia, prima y primo-nan;** de Cuba, Arends, Harms, tur su amigonan, ex- coleganan di Mercurius Company y Consales. Su companeronan di flor de Violeta, Nautical Club y The Champs. Tur su amigonan di deporte, bisiña y conocirnan y demas familia.

Nos ta pidi nos disculpa si den nos tristesa nos por a lubida un of otro famia.


**Acto di entierro lo tuma lugar diahueves 14 di januari 2010 di 12 or pa 4 or di atardi na Aurora Funeral Home. Response ta cuminsa pa 4’or di atardi na Aurora y despues ta sali pa Santa Catolico di Playa.**

**Adres pa condolencia :** Aurora Funeral Home, Cumana 76

**Dialuna** 11 di januari 2010 di 7 or pa 9 or  
**Diaranzon** 13 januari 2010 di 7 or pa 9 or

No ta lamenta cu despues di entierro nos no ta ricibi bishita di condolencia na cas.





STICHTING VOOR VOLKSGEZONDHEID VAN

**Het Wit Gele Kruis Aruba**

Sinds 1902 een dienst van de Arubaanse gemeenschap

Tel: 582-4444 / Fax: 582-4411

**INFORMACION PA HENDE CU TIN SUCU!**

Ora bo tin sucu y bo tin sobrepeso, ta hopi importante pa baha peso. Si bo ta baha peso,bo ta:

- baha e riesgo di problema di curazon y adernan ;
- baha e nivel di sucu;
- reduci e cantidad de remedi;
- reduci e nivel di colesterol;
- sintibo fisicamente mihor.

**Menos peso, mas saludabel !**

**PA MAS INFORMACION : 582-4444**

**Gradicimento / Invitacion**

Pa medio di esaki nos kier a gradici tur esnan cu di un of otro manera a mustra nan atencion na fayecimento y entiero di nos casa, tata, ruman, welo stima:

*Augustinus Stefanus Gomes*  
*"Calito"*



Danki na prome lugar na  
Tata Todopoderoso cu a duna  
nos e gracia di tin Calito den nos Bida.

Danki na tur bisña, amigo y conociman y esnan cu a manda flor, krans y telegram. Danki na dr. Cheung, Soria y Ho-Kang-You, staff di dr. Horacio Oduber 4to piso 1ste klasse durante su estadia na Hospital. Na tur otro persona cu di un of otro manera tabata cu nos, na ora di entiero y pa tur e oracionnan. Danki na Mementori Funeral Home pa e bon servicio y atencion.

Alavez nos ta invita tur famia, amigo, bisña y conocirnan pa rezamento na cas, Jan Flemming 12, cuminsando dialuna 11 januari pa 8'or di anochi. Bo(so) presencia lo ta altamente aprecia.

Na number di su casa, Julian, rumannan y demas famia.

Servicio pa Comunidad

**Telefon di Emergencia**

Number di emergencia	911
Polis	100
Brandweer	582-1108
Ambulance O'stad	582-1234
Ambulance S.N.	584-5050
Hospital	587-4300
Centro Medico	584- 8833

**Botica na Warda**

Pabou di Brug: Maria  
Pariba di Brug:

**Dokter na Warda**

Pabou di Brug: dr.de Algera  
Pariba di Brug: dr.

**Otro Servicionan**

Setar Info	118
Digicel Info	145
Setar	582-5151
Elmar	52-37100
WEB	525-4600
Serlimar	584-6456
Rode Kruis Aruba	582-2219
FADA	583-2999
AA/NA helpline	583-8989
Fund. Abuso Sexual	582-4433
Fundacion Guia'mi	587-1677
Fund.Muher	
den Dificultad	583-5400
Fund.Tel. Pa Hubentud	131
	588-6138
Accion Rescate	584-2718
Centro Kibrahacha	588-3131

**WETRO R E DIVISION**

Tel: no. 5827118,  
Cell. no. 5937118

Email: [wetronv@hotmail.com](mailto:wetronv@hotmail.com)

website: [www.wetronv.com](http://www.wetronv.com)

**TA BENDE**

E siguiente cas- nan na:

Macuarima Afl. 145.000,--

Noord Cura CAbai Afl.  
125.000,--

Sabana Basora Afl. 220.000--

Weg Seroe Blanco  
Afl. 280.000,--

Rooi Koochi Afl. 325.000,--

Byronstraat Afl. 499.000,--

**TA HUUR**

6 apartamento  
( all Inclusive )

xxxxx

**WANTED**

**PRIVATE PIANO TEACHER**

- 8 year old girl interested to learn piano.
- Beginners lesson.
- Once a week at our residence

Interested please contact  
739-1212.

**NANKANG**  
Unlimited Parts & Enterprises N.V.  
Performance  
Sport  
Tires & AutoParts



TEL: 583 1001  
MORGENSTER 12 - B

**TA BENDE**

Tereno 917 M2  
Afls. 115.000,--  
Eigendom na  
Tanki Leendert  
Pa mas Inf. Jama  
Cell-593-1082

**TA HUUR**

Cas 2 kamer  
/ banjo/ sala  
Cushina full muebla  
Tanki Leendert 167F  
Awg. **1,650.00** pa luna.  
Pa 1 feb 2010  
Info: **593-5915**

**BULA JUMP**

**PA TUR FIESTA  
PA MUCHA  
YAMA**

5923523 / 5838769



**Bo mester di music pa bo fiesta?**

**Yama  
DJ Orange**

567-2031  
742-1623



**CLASIFICADO**

**3 DIA PA  
SOLAMENTE  
25 FLORIN**

YAMA 583-1400 | EMAIL: [AVISO@AWEMAINTA.COM](mailto:AVISO@AWEMAINTA.COM)

**Polis**

Polis Tipline	11141
Oranjestad.	582-4000
San Nicolas	584-5000
Savaneta	584-7000
Santa Cruz	527-2900
Noord	587-0009
Strandpolitie	586-3003
Balashi	585-2500
Aeropuerto	582-4800
Aruba Transfer Tour & Taxi	583-2856
	582-2116
Best Taxi Services	588-3232
Coop. Ver. Tas	587-5900
ATS	583-5361
Arugas	585-1198
S.O.S. Teleayudo	583-1190

**Resultado di Loteria**

**LOTTO CATOCHI**

DIASABRA 09	DIADOMINGO 10
0214	4458
5108	8049
6244	1825

**ZODIAC**

DIASABRA 09	7694 Piscis
DIADOMINGO 10	3567 Tauro

**BIG FOUR**

DIASABRA 09	DIADOMINGO 10
5678	6933

**SUPER FOUR**

DIASABRA 09	DIADOMINGO 10
1414	4746

**Sto. DOMINGO**

6964  
5466  
9940

**LOTTO PA DEPORTE** 09-15-17-22-23 letter **J** Joker **28**

**LOTTO DI DIA** 12-20-23-27-28

**LOTTO FLORIDA**

**DIARIO**

DIASABRA 09	DIADOMINGO 10
4663	5386
1047	1983
2414	2351

**CORSOW**

DIASABRA 09	DIADOMINGO 10
9484	8586
1973	7055
7171	9981

EDITA PA: The Media Group,  
Margrietstraat 3, Oranjestad, Aruba,  
tel.(297) 583-1400, fax. (297) 5831444,  
E-mail: [noticia@awemainta.com](mailto:noticia@awemainta.com).

CUENTA DI BANCO:  
C.M.B. #229- 82600'.

ORA DI OFICINA: Dialuna pa Diabierna  
8 a.m. - 5 p.m.

IMPRENTA: Imprenta Nacional Arubano.  
DIRECTOR: Victor "Toko" Winklaar &  
Victor R Winklaar.  
REDACCION: [noticia@awemainta.com](mailto:noticia@awemainta.com).  
BENTA DI AVISO:  
[sales@awemainta.com](mailto:sales@awemainta.com)



Mementomori Funeral Home N.V.  
Yolanda - Leo - Eugene  
Tel: 5833358 - Fax: 5837711

" Señor ta mi wardador, mi n' tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe haña forsa. "  
Ps. 23:1,2,3

Cu inmenso tristeza na nos curazon, nos ta participa fayecimento di:



Joseph Baptist Raeven

mihor conoci como: "Butcher of Chef "

\* 5 Jul.1929      + 9 jan. 2010

Na number di su:

**esposa:** Nina Carmen Raeven-Thijssen

**yiunan:** Joseph Raeven Jr.  
Emelie Margriet Raeven

**suegro:** Efy Tromp

**rumannan na Hulanda:** Sra.Vda. Truus Dijkstra-Raeven  
Tielke Kruse-Raeven

**cuñanan na Hulanda Aruba** Tony Krus, Corrie Raeven  
Cita y Jopie Schwengle-Thijssen  
Sra.Vda.Olga v/d Rijdt-Thijssen  
Sr. Gabriel Thijssen (Ely)

**sobrino y sobrinanan:** Marcel, Anita, Jackelyn, Emy na Hulanda  
Virgin, Ludi, Jeffie, Henny  
Daniella, Annemieke, Marleen  
Meinhardt, Reinhardt, Kilian Schwengle na  
Aruba Johannes v/d Rijdt  
Gerard, Gisela Thuijsen  
Gabriela y Juan Carlos Geerman-Thijssen


**famia:** Thijssen, Croes, Lampe, de Kort, Schwengle,  
Tromp y demas famia ta invita tur amigo, bisiña y conoci pa asisti  
na e acto di entiero cual ta tuma lugar diamars 12 di januari  
2010 pa 4'or di atardi saliendo for di Misa Sagrado Curason di  
Jesus pa santana catolico na Savaneta. E resto mortal lo ta reposa  
for di 2'or di atardi den Misa Sagrado Curason di Jesus na Savaneta.

**Adres pa condolencia:** Mementomori Funeral Home  
dialuna 11 di januari 2010di 7'or pa 9'or di anochi

Nos ta lamenta cu despues di entiero nos no por ricibi bishita di  
condolencia na cas  
Nos kier a pidi nos disculpa si nos por a lubida un of otro famia den  
nos tristeza.

Mementomori Funeral Home N.V.  
Yolanda - Leo - Eugene  
Tel: 5833358 - Fax: 5837711

Ayo Bill, te despues



**William (Bill) Yeatts**

Bill Yeatts, misionero Americano di testigo di Jehova, a dedica su bida for di September 1950, te awor bishitando e pueblo di Aruba siñando nan e palabra di Dios, e bijbel. Lo e keda semper den memoria di su famia i den memoria di tur hende cu conose.

**Rumanan:**

Lowell Keith Yeatts  
Sadie Yeatts May

**Sobrinanan na North Carolina:**

**- Janet Yeatts Blallock i juinan:**

Cynthia Blalock Roberts i esposo Matthew cu ta sirbi na Brooklyn Bethel.  
Gina Blalock Gardner i esposo Dell.  
- Linda Davis Allen i esposo Jack i juinan:  
Christopher i Anette Allen  
Jeremy i Elizabeth Allen  
Caleb i Carena Allen  
Seth i Dailee Allen  
Bethany Allen i demas famia

Jesucristo a bisa di Lazaro prome cu su resureccion “Ami ta e resureccion i bida. Ken cu eherse fe den mi, aunke e muri, lo e bolbe biba. - Juan 11:25

**Adres pa Condolencia:**  
Mementomori Funeral Home Arendstraat 105 diadomingo 9 Januari 2010 7p.m. – 9 p.m.  
**E entiero lo tuma lugar dialuna 11 Januari 2010 saliendo for di Salon di Reino di Testigonan di Jehova na Cumana 21 4 p.m. pa santana na Sabana Basora. E difunto lo ta reposa den salon di reino for di 1 p.m.**

# Polis ta detene alumno di Ibero Highschool pa onbeschoft y agresivo

DURANTE cu polis tabata patruyando diabierna mainta 7.55, banda di Ibero High School den Dr. Schaepmanstraat, y nan ta mira un alumno den cura di e scol cu a haci acc-tonan insultante den direcc-ion di e polisnan.

Polis a bay n’e scol y a papia cu e director, kende ta bisa polis cu el a mira un mucha core riba e tereno di e scol y bay den e edificio.

E director a manda yama e alumno pa polis atende riba su comportacion. Durante cu polis tabata atende e alumno, e no tabata duna ningun respet y tabata trata onbeschoft y a nenga rotundamente di duna su nomber..

Dor cu el a keda persisti cu e no ta duna su nomber, polis a detene y hibe warda. Ora cu polis a cana cune, el a mira e polis den su cara y a insulta mama di e polis.

Polis a pase un klap educativo pa pone na ordo, pero el a keda onbeschoft.

Polis a sigui cana cune y dado momento, el a bira pa dal e polis, pero e polis a hala p’e golpi.

E ora si polis a dicidi di pone den boei. Eynan el a resisti contra polis y nan mester a pase algun klop p’e comporta su mes.

Dilanti Fiscal zuxiliar si el a duna su nomber cu ta L.L. naci na Aruba di 15 aña. Mirando cu e ta menor di edad, polis a yama su mama pa bin warda, unda dilanti di e mama, nan a dune un bon scual y despues a lague bay cas.

TIPO DI CAMBIO OFICIAL			
Valido pa 11 januari 2010			
Placa Extranhero	Bank Papieren	Wisselen, Cheque Reis Cheque en Over Boekingen	Benta na Publico
US Dollar	1.77	1.78	1.80
CAN Dollar	1.70	1.72	1.74
Engelse Pond Sterling	2.78	2.83	2.89
Zwitserse Frank per CHF. 100	171.33	172.05	172.85
Ned.Ant. Gulden per ANG. 100	98.00	100.00 biljetten 100.20 chq./overboeking 100.00	
Japanse yen per JPY. 10.000	188.89	190.62	192.53
Euro per XEU. 100	251.91	254.21	256.76

BANCO DI CARIBE  
ARUBA

Provision di Devisa 1.3%

Segun articulo 12 di Afkondigingsblad di Aruba 1991 nr.GT 32.

Banco Central di Aruba ta defini e tipo di cambio oficial pa e cambionan di placa extranhero.

BANCO DI CARIBE



## Abeha ta pica habitante y ta mata su cachonan

**POLIS** a bay diabierna 10.05 di mainta na un cas na San Barbola, unda un habitante tin molester di abeha y otro insectonan.

Eynan polis ta papia cu e homber de C., kende ta bisa polis cu abehanan ta bin for di e tereno dilanti di su cas y a atake y tambe a ataca su cachonan. El a bay poli pa asistencia medico, pero e cachonan si a muri. E ta bisa cu e tereno ta bashi y sushi ta wordo benta eynan. Polis a pone Bario Regiseur na haltura.

## Homber cu problema cu su amiga ta causa destruccion

**UN** señora diasabra anochi 8.10, ta yama warda di polis di Oranjestad, histerico y ta bisa cu un homber ta kibrando porta di su cas.

Polis a bay n'e cas na Bushiri, y eynan polis ta haya informacion for di e señora cu t'e amigo di su yiu muher M.K. naci na Aruba di 25 aña a bin n'e apartamento busca problema y a destrui porta dilanti di e apartamento, na unda M.K. ta biba.

E homber kende tabata n'e sitio a keda deteni y hiba warda.

**AWE Mainta**  
noticia@awemainta.com  
**Tel: 583-1400**  
**Fax: 583-1444**



Savaneta 393 \* Aruba \* Cel. 593-2197  
Tel. (297) 584-1122 (office) \* Fax & hometel. (297) 584-5461

Cu masha tristeza nos ta anuncia fayecimento di



**Sr. Mario Ras**  
Mihor conoci como Papa Mai

Tata di propietario Sr. Ronny Ras, suegro di Brenda Ras – Maduro y welo di Sue-Ann Ras, Jean-Carlo Ras y Diliana Ras.

Cu Dios duna forza y consuelo na henter famia den e dianan dificil aki.

Cu Papa Mai sosega na pas den braza di nos Señor

**Famia Ras.**



Dedicacion na nos tata y welo stima:



**Rolando "Bochi" Jacintho Orman**

A special dad is hard to find.  
You dad I'm keeping in my mind,  
I wished you could have stayed forever,  
But I will never forget you oh not ever.

If dreams weren't dreams and dreams came true .  
I wouldn't be here I'd be with you.  
Distance is one thing that keeps us apart,  
But dad you will always remain in my heart.

A special smile, a special face, a special someone I can't replace,  
I love you and I always will.  
You filled a space that no one will ever replace.

Pa medio di esaki nos ta invita tur famia, bisiña y conocir pa asisti na un santo sacrificio di misa: dialuna 11 di januari 2010 pa 6:30 di atardi na misa Santa Anna na Noord, pa recorda e di 10 ana di fayecimento di nos defunto stima Bochi.

Boso presencia ta altamente aprecia.

Na number di su yiunan, nieto(a)nan y demas famia



Bou di alanan di Dios mi ta sigur  
Abo cu ta biba bou di amparo di Altísimo,  
ta hospeda den sombra di Dios omnipotente,  
bisa SEÑOR: "Mi refugio, mi forti,  
mi Dios, den kende mi ta pone mi confianza!"  
Salmo 91

Cu honda pena pero agradecido pa locual el a nifica pa nos, nos ta anuncia fayecimento Cristianamente di mi esposo, tata, ruman, welo, suegro y nos famia stima:

### Mario Ras

25 september 1925 – 8 januari 2010

Ex empleado di LAGO y Ex schutterij

Na number di su estimada esposa: Ceferina Ras – de Kort

Su yiunan:

Chido y Norma Ras – de Cuba  
Monica Ras  
Lidia y Ricardo Koolman  
Ronnie y Brenda Ras – Maduro  
Helen y Roy Brown  
Mervelin Ras  
Roman Ras

Su ruman:

Su nieto- y nietanan:

Mark y Nydia Ras – van Meeteren  
Iomar y Amy Ras – Speijer  
Randall Ras y Mayrène Croes  
Dwayne y Estrelle Koolman – Timpner  
Richeline Koolman  
Sue-Ann Ras y Ismael Santiesteban  
Jean Carlo Ras y Evelyn Yarzagaray  
Diliana Ras  
Jurani y Henny Metry – Coutinho  
Alexandra Brown  
Karelina v.d. Linden y Joshua Tromp

Su bisanieto- y bisanietanan:

Sue-Gin, Ginayla, Jeandy, Jean Paul, Dwight, Emily-Ann, Jeadré, Jeannick y Noah.

Su suegro- y suegranan:

Camillo y Irma Maduro y famia  
Ina Geerman  
Elsa Cornes y famia  
Luisa v.d. Linden y famia

Su cuñanan:

Etty Geerman y famia  
Yoyo Koolman y famia  
Chichi Schwengle y famia  
Margo y Doy v.d. Linden y famia  
Rita y Donny Christiaans y famia  
Chelito de Kort y Lili de Cuba y famia  
Marcia y John Koolman y famia  
Jane y Emmy v.d. Linde y famia

Su sobrino- y sobrinanan:

Lina y Clyde Farro y famia  
Ingrid y Patricio Nicolaas  
Sandra y Carlo Tjon y famia  
Marieta Ras y famia  
Ena Ras y famia  
Magda Ras y famia  
Mirto Ras y famia  
Swinda y Mario Geerman y famia

Amiga di cas:

Anabel Caballero Martinez

**Su primo- y primanan y demas famia:** Ras – de Kort – Yarzagaray – de Cuba – Arends – Koolman – Maduro – Brown – van Meeteren – Speijer – Timpner – Metry – Geerman – Schwengle – v.d. Linde – v.d. Linden – Christiaans – Nicolaas – Tjon – Farro – Martijn – Larmonie – Croes – Tromp – Dirksz – Theysen – Wever Almary y demas famia, amigo- y amiganan, bisiña y conocirnan.

**Acto di entierro ta tuma lugar dialuna 11 di januari 2010 pa 4 or atardi saliendo for di Misa Sagrado Curazon di Hesus na Savaneta.**

Nos difunto stima ta reposa for di 2 or di atardi na Misa Sagrado Curazon di Hesus na Savaneta. Enbes di krans ta bay tin un box den Misa disponibel pa un donacion pa Stichting Edmund Harms Foundation.



# Ishmedia cu prome planta di television riba internet na Aruba


E concepto “Online T.V” ta uno cu Ishmedia kier implementa den su totalidad aki na Aruba. Online T.V no solamente ta un simpel imagen of streaming cu bo por mira via internet, pero Online T.V ta e futuro global di television y Ishmedia ta orguyosamente e pionero di e concepto aki na Aruba. Haciendo un website un canal di television completo pero online, ta un reto grandi cu Ishmedia ta completamente cla pe. Online T.V no ta basa únicamente riba un streaming di un tipo di programacion predestina of determina, un Online T.V ta un canal completo di television cu ta brinda un programacion televisivo total pero riba internet. Mirando cu Ishmedia ta e compania di produccion cu mas ta produci programa di television local, ta haci posibel pa por mantene un programacion 100% local y por keda pasa esaki 24 ora pa dia riba e website. Ademas di tin un programacion na manera di playlist riba e website, tambe tin e posibilidad di mira cualkier programa na un manera “on demand” na e momento cu e online viewer desea di haci esaki. Ishmedia como e cas di produccion di mas grandi na Aruba ta conta cu e tecnologia di mas nobo riba mercado pa loke ta trata produccion di película. No obstante cu Ishmedia ta conta cu e ultimo den cinematografia, nos ta capacita tambe pa elabora cualkier tipo di trabao di produccion cu e calidad mas halto di efecto visual, e mihor sonido cu calidad dolby surround y e manpower pa logra cualkier proyecto den ambito di television. Pa e temporada carnavalesco aki Ishmedia lo ta tur caminda riba caya pa asina trese tur informacion carnavalesco na e online viewer riba un formato televisivo pero riba internet. Contando cu un crew completo di producción y presentador, Ishmedia a lansa su website [ishmedia.tv](http://ishmedia.tv) diasabra dia 9 di januari durante e fakkel optocht. Pa awe, dialuna dia 11 di january [ishmedia.tv](http://ishmedia.tv) tin e

premier di nan programa carnavalesco exclusivo “Ban Jam Bam Bam”. Den “Ban Jam Bam Bam” e publico cybernetico lo tin e oportunidad di disfruta di un programa carnavalesco cu contenido 100% carnavalesco y cu un gran variedad di topico y invitado cu lo ta live durante e


programa. E programa “Ban Jam Bam Bam” lo ser presenta riba [ishmedia.tv](http://ishmedia.tv) tur anochi, di dialuna pa diabierna cuminsando pa 9’or. E programa lo ser presenta pa Alexa Y Chopolo, ken ta Chopolo? Boso mester wak’e dialuna awor pa mira ken e personahe aki ta y kico tur e tin aden...

Ishmedia ta extende e cordial invitacion na henter e pueblo carnavalesco di Aruba pa wak e

premier di “Ban Jam Bam Bam” awe, dialuna, pa 9’or di anochi.



**A FAYECE DESPUES DI UN LARGO LUCHA CU SU ENFERMEDAD,**




**MARIA LIVIA HENRIQUEZ**  
•10 Aug. 1945 - + 7 Jan. 2010-01-08

<b>Na number di su mama:</b>	Sra. Vda. Maria Fernanda Henriquez-Coutinho
<b>Su Rumannan:</b>	Lenny Rodriguez-Henriquez na Venezuela Greta y Vito Pizzurro-Henriquez na Venezuela Gladys (Dachy) Henriquez Jossy Henriquez Nelson Henriquez na USA Robert Boatner na USA Jose Fernando Coutinho-de Castro na Portugal Johanna Freeke-Henriquez na Hulanda Tanta y Omo nan na Venezuela, Portugal Primo nan na Aruba, Venezuela y Portugal
<b>Mescos cu ruman:</b>	Romero Petrochi
<b>Omo:</b>	Roberto y Nieves Rodriguez y fam. na Venezuela Johannes y Wendy Pizzurro y fam na Venezuela Victor y Iracema Pizzurro y fam na Mexico
<b>Prima/ruman:</b>	Maria Fernanda Rodriguez na Spanje Jethro y Antjie Henriquez y fam. na Aruba Dione y Jamie LaBonte y fam. na USA Johnny Pizzurro na Venezuela Jurgen Henriquez na Aruba
<b>Miho amigo di cas:</b>	Demas famia Henriquez, Coutinho, Rodriguez, Pizzurro, LaBonte, Freeke, Croes, Irausquin, Lacle, de Cuba, Roos.
<b>Sobrino nan:</b>	Ex coleganan di Lago, Arugas y Polyrama En vez di flor, nos lo aprecia un donacion pa Edmund Harms Foundation, pa cual tin un box den misa.

**Acto di entierro lo tuma lugar diamars, 12 de Januari, 2010, pa 4.’or di atardi. Resto nan mortal lo ta reposa den misa di San Francisco na Playa desde 2 or di atardi. Di eynan lo sali pa Santana Catolico na Oranjestad.**

**Adres y dia pa condolencia:** Sta. Cruz 76C  
Dialuna, 11 di Januari di 7 ‘or pa 9’or di anochi


Despues di entierro nos ta lamenta di no por ricibi bishita di condolencia na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Cerca Dios mi tan a paz manera un yui cerca su Mama  
Salmo 131

Cu inmenso tristeza na nos curason pero agradecido na Dios, pa tur locual el a nifica pa nos, nos ta participa fayecimento di nos:  
Mama, wela, bisawela y tatarawela, ruman stima:



**Maria Florinda Croes-Koolman**  
Mihor conoci como “Florinda” of “Machi”  
na edad di 93 aña  
\*22-12-1916 † 07-01-2010

**Na number di su Yuinan:**

Ina y Angelico Angela-Croes  
† Athanacio Croes y Ina Croes-Flanegin  
Marcolino y Rosa Croes-Webb  
† Chepito y Fefa Croes-Escalona  
Barbara y Isildo Maduro-Croes  
Andres Croes y famia  
Margaretha Croes y Benny Tromp  
Alberto Croes  
Frans y Nellie Croes-Hagelaars  
Teresa Croes  
Candi Croes  
Gabriel y Lucerita Croes-Velasquez

**Rumanan :**

Sra. vda. Mathilda de Cuba-Koolman y famia  
Sra. vda. Juana Werleman-Koolman y famia  
Sr. vdo. Bruno Koolman y famia

**Swa y cuñanan:**

Sra. vda. Vera Vrolijk-Croes y famia  
Sr. Antonio y Maria Croes-Vrolijk y famia  
Sra. Petra Croes

Nieto y nietanan, Bisanieta y bisanietanan, Tataranieto y tataranietanan, Subrino y subrinanan, Primo y primanan, Hijanan, Comer y compernan, Juinan di criansa, Amistadnan di Cas, Conocirnan, bisiñanan y demas famia:

**Legion di Maria Sta. Cruz.**

**Acto di entiero lo tuma lugar Dialuna 11 di Januari 2010 di 2or pa 4or di atardi na Misa Inmaculada Concepcion na Santa Cruz.** Pa 2or di atardi e restonan mortal lo ta reposa den Misa Inmaculada Concepcion y despues saliendo pa Santana Catolico na Santa Cruz.

En vez di flor of krans lo tin un box disponibel pa “Kinderhuis Imeldahof” den Misa.

Nos ta lamenta cu despues di entiero nos no por risibi bishita di condolencia na cas.



# Maduro Travel por mira tras riba un exitoso expo

**DIASABRA** ultimo, Maduro Travel, cu ta yama su mes, Expertonan den Biahe, Expertonan di Cruise, a organisa un expo, cu participacion di tur esnan cu ta interesa pa promociona na producto, sigur pa loke ta necesario pa un biahe.

E biaha aki enfasis a ser poni riba biahamento abordo di un crucero. Asina p.e. Maduro Tavel a logra di haya algun di e cruceronan aki, cu lo sali for di Aruba, pa cual tin un interes masha grandi mes.

Asina p.e. Carnival a anuncia su cruceronan nobo, manera e.o. Carnival Dream, cu ta bira e barco mas grandi di Carni-

val. Tambe ta nobo, Carnival Fantasy y esun cu a pasa den un up-grading ta Carnival Fascination y Ecstasy. Y otro barco nobo ta Carnival Magic, pero e ultimo aki lo cuminsa navega otro aña.

Royal Caribbean ta masha orguyoso mes cu su Oasis of the Seas, pa cual masha Arubiano a haci nan reservacion caba pa e.o. Herfstvakantie. Esaki t'e barco mas nobo di RCC y esun cu mas hende kier haci un crucero cune.

Durante e dia aki, tur interesado, y nan tabata hopi, por a haya tur clase di informacion p'asina planea nan proximo

biaha crucero. Tabatin diferente booth, banda di esnan di companianan crucero, pero tambe e.o. compania di aviacion di Corsow, Oficina di Turismo di Corsow y di Bonaire a participa y asina por a mira tambe Digi- cel, RSA Insurance, Divi Links, American Assurance y mucho mas presente.

Nos ta kere cu sigur Maduro Travel por mira tras riba un exitoso expo, cu sigur ta yuda tur hende cu ta planea nan vakantie adelanta. Si bo no por a bishita e expo aki, Maduro Travel ta sigui cu su servicio di duna informacion esnan cu kier haci un biahe.

